
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>



1362
Q V E R O L V S,
ANTIQUA COMOEDIA,
NUNQUAM ANTEHAC EDITA,
quæ in vetusto codice manuscripto
PLAVTI AVVLARIA inscribitur.

Nunc primum à PETRO DANIELE Aurelio
luce donata, & notis illustrata.

Ad illustriss. amplissimumque Cardi-
nalem Odonem Castilionæum.



PARISIIS,
Ex officina Rob. Steph. Typographi Regij.
M. D. LXIII.
CVM PRIVILEGIO REGIS.



PRIVILEGII AVCTORITAS.

Diplomate Caroli i x Francorum Regis interdictum est horum librorum impressione, distractioneque omnibus Typographis, ac Bibliopolis intra sexennium, nisi quibus imprimere eos, ac distrahere Petrus Daniel permiserit. Diploma signo Regio maiore obsignatum est, cui AEmarus de Vabres, Regis Secretarius subscripsit. Aurelia, duodecima Decembris, Anno Domini M. D. LX.

ILLVSTRISSIMO AM-
PLISSIMOQVE CARDINALI
Odoni Colignio Castilionæo
Petrus Daniel S.

Hoc semper maximè in vo-
tis habui, Cardinalis Illu-
stris. & amplis. opportunū
aliquod tempus mihi dari,
quò defuncti patris tibi addictissimi
vestigiiis insistens meam erga te obser-
uantiam aliquo officij genere testarer.
Id verò nūc mihi oblatū esse arbitror,
si ea quæ apud me benignè deposui-
sti, non malignè suppressa in sinu te-
gam, sed summa fide ad te referam,
atque adeò bona tua venia in publicū
proferam. Absit autem vt in id in-
grati animi vitium incidā, quo tenē-
tur qui præclara veterum librorū mo-
numenta beneficio tuo nacti, posito
omni pudore illiberaliter aliò transfe-
* .ij.

runt. Mihi certè consilium semper firmum ac stabile fuit, neminem præter te agnoscere auctorem & fautorem eorum quæ apud te nata essent : cuius generis, cùm sit hæc antiqui auctoris fabula, non minùs insignis vetustate, quàm admirabilis argumèti raritate, in tuo nomine editam ad te remitto, accedentibus quidem vsuris (nam à nobis emendata est, & breuibus notis illustrata) Sed quia neque perpetuis in nos meritis tuis, neque tãti thesauri dignitati respondent, hoc quicquid est, tantisper dum maiora conamur, qua soles animi æquitate, non tam ex merito, quàm ex officio ac potius pietate æstimabis. Vale. Lutet. Parisiorum, Nonis Iunij 1564.

NICOLAI HATTÆI

AVRELII, REGIS ET AV-
RELIIORVM DVCIS SECRE-
TARII, CARMEN AD PETRVM
DANIELEM AVRELIVM.



Vàm misère nostras, DANIEL, ignavia
mentes

Fascinat, & lento potitur funesta ueterno!
Labimur, & uitæ brevis est uia: Scimus,
& arctas

Interea pauci cura meliore paramus

Inter uiuendum uiuendi extendere metas.

Rumpor, & assidue tot frustra indignor inanes
Ire dies: Quantùmque breuis mortalibus æui
Concessum, sic prorsus iners & inutile duci
Præcipue uacuos fallentis ut otia uitæ
Delectent animos, nec publica commoda quisquam
Curet, & humanas communiter adiuet artes.
Solers quisque sibi nihil amplius optat ad imum,
Quem beet aggesti numerosa scientia nummi,
Et bona summa putat secura uiuere quadra.

Inde mali labes, & amor confusus honesti,
Hinc morbi caput, & morum præposterus ordo,
Tantâque proh! rerum passim iactura bonarum
Vngue uenenato rudis hæc socordia quantas
Deterit, & prauè melioribus inuidet annus,

Vsque adeo stat honos, virtusque operosa laborum
Omnis in opprobrio est: EPICVRO ritè magistro
Viuitur, & pulchrè morituri fallimus. Eho!
Nullane religio est sic se subducere, tanti
Nil ut ducatur, propter quod rumpere somnum

*.iij.

Incurata uelit stultorum insania necors?
Strymona nos ad cōne exercet inertia? Quorsum
Vivere, si frustra uicturi nascimur, & nos
Nec ratio, aut potior natura regula brutis
Sed angat? Quantò certè præstantius illud
Mutua per uitæ socialis munia ferri
Intentis animis, patriæque impendere curas,
Deberi cui nos & nostra agnoscimus. At qui
Hoc opus, hæc labor est: Pauci quibus æquior est mens,
Hoc studium properant, quorum tu scilicet olim
Sedulus in numerum uoto ruus: Et tibi nullus
Difficiles labor ire uias, dum denique prosis,
Officiòque iuues patriæ communis honorem.

I bone quò uirtus tua te uocat, & neque fausto
Desere tentatos cursus pede, libera figens
Fortiter in medium uestigia: Præmia quæ te
Certa manent, non parua manent. En, aspice quanta
Iam non uana tibi surgant exordia famæ,
Dum tam sollicitè, nulli tot culta per annos
Palladij deserta nouas uberrima luci,
Es ueterum assertor studio uehemente laborum
Obscurata diu nobis monumenta resignas.

Pro quibus & nostri uentura ætate nepotes
Æterna te laude ferent, & longa fruendi
Tempora thesauri, qui te nouus auspice primùm
In manibus nunc est plenos effossus in usus,
Ne quicquam ingrata memores mercede rependent.

Nec dubita, tibi perpetuum staturus in æuum
Diues honoratæ thesaurus munere famæ,
Quem tua Cimmerius exemit dextra lacunis,
Seruatur, miseraque manet rubiginis expers
Hac una, lechi simulac exegeris horam,
Æterna tecum pariter condendus in orna:

*Quæ tua fronte gerens fidis inscripta tabellis
Nomina, pro tumulo, titulis insignis honorum
Vt meritis, sic ætherio te lumine cassum
Excipiat: sic grata uices tibi præbeat æquas:
Vtque tuæ, quicumque nitore splendet in illa
Hoc opus est, hoc artis opus, tibi ceditur uni:
Sic modò te foueat, sic uendicet ossa sepulchro,
Sic dominum agnoscat, sic te donata redonet,
Restituat tibi te, uitæque in iura reponat,
Acceptamque tibi referat per sæcula lucem.*

AD EVNDEM, DE AVCTO-
re huius Comœdiæ G. Bucha-
nanus Scotus.

*Quisquis es infernis propè nunc reuocatus ab umbris,
Ausoniis hilaras pulpita qui salibus:
Bis refer acceptum Danieli luminis usum,
Bis tibi qui medicæ præstitit artis opem:
Dum tenebris reuocat, dum barbara uulnera sanat,
Fila nouans famæ penè resecta tuæ.
Atque utinam, Daniel, meriti non immemor huius,
Posteritas paribus te colat officiis:
Vtque facis ueterum uatum monumenta renasci,
Interitum scriptis arceat illa tuis.*

Ad eundem Steph. Manial- dus Cleriacus.

Εὐεπίης πείσῃ λάμπει, σφ' ἑσθ' ἵτι μαρνανθεῖς
Νῦν δ' ἄλλος Πλαῦτος τῶν χαίτων τρέφειμας.
Ἡ' μαρ ὁρᾷ διὰ σὺ Δανιήλ, ὅς νύκτα διώκει,
Ὡς δ' ἄλλος γαγετὴρ ἐς φανερὸν σφ' ἔχεις.
Εὐδύμει, χαμᾶτων μιθὼν, κλέος ἄφθιτον οἴσεις,
Ἰσον τῷ Πλαύτῳ ἀντάοις χάρισι.

PERSONÆ,

LAR FAMILIARIS.

QVEROLVS, filius

Euclionis.

MANDROGERVS

Magus & parasitus.

SYCOFANTA.

SARDANAPALLVS.

Socij atque adiutores Mandrogerontis.

PANTOMALVS seruus. ARBITER.



Q V E R O L V S, S E V
A V L V L A R I A P L A V T I
A N T I Q V I A V C T O R I S.

Præfatio ad Rutilium.



V T I L I V E N E R A N S
de semper magnis laudibus, qui das honoratam quietem quam dicamus ludicris, inter proximos & propinquos honorem dignum putas, duplici, fateor, & ingenti me donas bono, hoc testimonio, hoc collegio, hæc vera est dignitas: Quænam ergo his pro meritis digna referam præmia? Pecunia illa rerum ac sollicitudinum causa & caput, neque mecum abundans, neque apud te pretiosa est. Paruas mihi litterulas non parvus indulgit labor. Hinc honos atque merces, hoc manebat præmium. Atque ut operi nostro aliquid adderetur gratiæ, sermone illo philosophico ex tuo sumpsimus materiam. Memini tunc ridere tunc solitum illos qui fatamur

A. J.

deplorant sua, atq; Academico more quodlibetum foret destruere & adserere te solitum? Sed quantum hoc est? Hinc ergo quid in vero sit, qui solus nouit, nouerit: nos fabellis atque mensis hunc librū scripsimus.

MATERIA HÆC EST, Pater Queroli nostri fuit auarus Euclio: hic Euclio aurum in ornam congeffit olim, quasi busta patris, odoribus insuper infusis, tituloque extra addito: nauē ascendens ornam domi fodit, rem nulli aperuit. Hic peregrè moriēs Parasitū ibidem cognitum filio coheredē instituit, tacita scripturæ fide, si eidē thesaurū occultum sine fraude ostenderet, locū tantummodo thesauri senex ostendit. Oblitus doli Parasitus nauem ascendit, ad Querolū venit, & rupit fidem: Magum mathematicūque sese fingens, & quicquid mentiri fur potest. Ea quæ à Patrono didicerat Queroli secreta & familiaria, quasi diuinus loquitur. Querolus fidem accommodat, auxiliūque poscit: Parasitus magus domum purificat & puram facit. Sed ubi primū liberè ornam inspexit, vetere decipitur dolo. Bustum quod simulabatur credidit, atq; inrifum se putat. Inde vt aliquatenus se vleisceretur, ornam Queroli in domum callidè & occultè obrepens per fene-

stram protulit: qua explosa & comminuta,
bustum in pretium vertitur. Itaque thesau-
rum cōtra rationem & fidem cūm lateret,
perdidit; cūm perisset, reddidit. Postea re
comperta Parasitus reuolat, & partem pe-
tit. Sed quia quicquid abstulerit cōfiteretur,
quicquid rettulerit, nō docet: primūm fur-
ti, pōst etiam sepulchri violator est reus.
Exitus ergo hic est: Ille Dominus, ille Pa-
rasitus, denuo fato atque merito conlo-
cantur sic ambo ad sua. Tuo igitur inlu-
stris libellus iste dedicatur nomini.

VIVAS INCOLVMIS ATQVE FE-
LIX VOTIS NOSTRIS ET TVIS.

Prologus.

PAcem quietēq̃ue vobis spe-
ctatores nostros sermo poēti-
cus rogat, qui Græcorum disci-
plinas ore narrat barbaro, &
Latinorū vetusta vestro reco-
lit tempore. Præterea precatur & sperat nō
inhumana voce, vt qui vobis laborē indul-
sit, vestrā referat gratiam. A V L V L A R I A M
hodie sumus acturi, non veterē ac rudem,
inuestigatā Plauti per vestigia. Fabella hæc
est. Felicem hīc inducimus fato seruatum
A. ij.

suo, atque contrariò fraudulentum fraude
 deceptum sua. Querolus qui iam nunc ve-
 niet, totam tenebit fabulam. Ipse est ingra-
 tus ille, noster hic, felix erit: E' contrario
 Mandrogerus aderit fraudulētus & miser.
 Lar familiaris qui primus veniet, ipse expo-
 net omnia. Materia vosmet reficiet, si fati-
 gat lectio. In ludis autem atque dictis anti-
 quam nobis veniam exposcimus. Nemo si-
 bimet arbitretur dici, quod nos populo di-
 cimus. Neque propriam sibimet causam
 constituat cōmuni ex ioco. Nemo aliquid
 recognoscat: Nos mentimur omnia. **Q U E-**
R O L U S A N A V L V L A R I A hæc dicatur fabu-
 la, vestrum hinc iudicium, vestra erit sen-
 tentia. Prodire autem in agendum nō au-
 deremus cum clodo pede, nisi magnos præ-
 clarosque in hac parte sequeremur duces.

L A R F A M I L I A R I S .



Go sum custos & cultor do-
 mus cui fuero adscriptus. Æ-
 des nunc istas rego è quibus
 modò sum egressus. Decreta
 factorum ego tēpero, si quid bo-
 ni est, ultra accerso, si quid grauius, mitigo:
 Queroli nunc sortem administro, huius
 non grati, nō mali: Hic exinde sibimet suf-

ficiens fuit, quod primū est bonum, nūc autem etiam locupletissimus erit, sic meritum est ipsius. Nā quod pro meritis reddēdum nobis nō putatis, ipsi vosmet fallitis. Ordinem autem seriēque causſæ breuiter iam nūc eloquar. Pater huius Queroli Euclio fuit auarus, & cautus senex: Hic enorme pondus auri olim in ornam condidit. Sic quasi paterna venerans, aurum celabat palām. Peregrē vadens ornam domi sepeliit, ac reliquit ante aras meas. Tumulum suis, mihi thesaurum commendauit. Abiit, neque rediit senex. Peregrē moriens vni tantummodo rem indicauit, fraudulentō & perfido. Cui tamen siue oblitus, siue superuacuum putans, de busto & titulo nihil exponit. Querolo iuxta fatū hoc sufficit. Nūc ergo thesaurus habetur omnibus ignotus, & notus tamen. Erat sanē facile nobis aurum domino ostendere, aut responso aut somnio: Sed vt agnoscant homines NEMINI AVFERRI POSSE QVOD DEDERIT DEVS, aurum quod fidei malæ creditum est, furto conseruabitur. Fur ergo iam nunc aderit, per quem nobis salua res erit. Iste ornā cum reppererit, bustum putabit: Sic ille prospexit senex. Prēdam qui abstulerit reportabit, totūque reddet, partē

A. iij.

contentus fuit. Itaque benè perfidus alteri fraudem infert, damnum sibi. Tamen ne frustra memet videritis, exponere quædam volo. Querolus iste noster, sicut nostis, omnibus est molestus, ipsi, si fas est, deo: homo ridiculè iracundus, itaque ridendus magis. Differere cum isthoc volupe est, & confutare vanam hominū scientiam. Fatum itaque iam nūc & hominem è diuerso audietis, vos iudicium sumite. Genium autem ipsius esse me, quantū fieri potuerit, cautissimè cōfitebor, ne quod mihi faciat malum; Nā maledicere mihi met nunquam cessat ille noctes & dies. Sed eccum ipsum audio fatum & fortunam clamitat. Iste ad me venit, patrem peregrè mortuum audiuit. Hui quàm grauitè dolet, vt sunt humana: credo, quia nihil relictum comperit. Et quid ego nunc facio? auolare subitò hinc nō possum, nimium memet credidi. Oportunè armigerum hīc tridentem video, præsidiū hercle non malum. Querolus si molestus esse hodie non destiterit, faciam vt queratur iustius. Vnde esse hoc dicam? Piscatores manè hāc præterisse vidi, ipsis fortè hoc excidit.

QVEROLVS. LAR FAMILIARIS.

QVEROLVS.



Fortuna, ô fors fortuna, ô factum sceleratū atque impium! Siquis nunc mihi tete ostenderet, ego nūc tibi facerem & constituerem fatum inexsuperabile. L A R. Sperandum est hodie de tridente. Sed quid cesso interpellare atque alloqui? Salue Querole. Q V E R. Ecce iterū rem molestam, Salue Querole. Istud CVI BONO hāc atq; illāc haue dicere, etiā si prodesset, ingratū foret. L A R. Mīsanthropus hercle hic verus est: Vnum conspicit, turbas putat. Q V E R. Quēso amice, quid tibi rei inecū est? debitūmne poscis, an furem tenes? L A R. Iracundus nimium es Querole. Q V E R. Hea, ego officiū sum aspernatus, adicit & conuicium. L A R. Mane paulisper. Q V E R. Non vacat. L A R. Sic necesse est, mane. Q V E R. Iā istud ad vim pertinet. Age, dic quid vis. L A R. Scin' tu quam ob causam tridentē istum gestito? Q V E R. Nescio edepol, nisi quod primūm propter inportunos inuentum esse hoc reor. L A R. Idcirco hūc gestito, vt si me attigeris talos transfodiam tibi. Q V E R. Dixin' hoc fore? nec saluta-

A.iiij.

tio hūc impunè datur. Non mala hercle est
conditio : neque te contingo, neque me tu
contigeris. Vale, Ito, & conferite amicitias.
Ecce adfabilitas prima quid dedit. L A R.
Mahe, ego sum quē requiris, quemque ac-
cusas homuncio. Q V E R. Oe, talos ego
incolumes ferre hinc volo. L A R. Non tu
paulò antè fatum accusabas tuū? Q V E R.
Accuso & persequor. L A R. Ades ergo
huc, ego sum. Q V E R. Tu fatum es meū?
L A R. Ego sum Lar familiaris, Fatū quod
vos dicitis. Q V E R. Te ego iamdudum
quæro, nusquā hodie pedem. L A R. Præ-
monuerā de tridēte, caue abstine. Q V E R.
Immo tu caue. L A R. Ego iam prospexi.
Q V E R. Quidnam hoc est præstigium?
L A R. Apagesis homo ineptissime, hic nul-
lum est præstigium. Desiste, nisi excipere
mauis trina pariter vulnera. Q V E R. Attat
verò similem esse hūc nescio quem de ali-
quibus vel geniis vel mysteriis: iste seminu-
dus dealbatúsque incedit, toto splēdet cor-
pore. Euge, Lar familiaris, processisti hodie
putchrè : Sed non totum intellego. Quod
siminudus es recognosco, ynde dealbatus
nescio: Egomet iamdudum apud carbona-
rias agere te putabam, tu de pistrinis venis.
L A R. Hei, etiam istud de meo, quòd in

malis tuis commodè iocaris. Audi nunc iam, permouet nosmet, Querole, tua quâuis inanis querimonia. Idcirco itaque veni, vt ratio tibi ex integro redderetur, quod nemini antehac contigit. QVER. Tibíne rationem rerum humanarum licitum est nosse atque exponere? LAR. Et noui & doceo. Proinde quicquid exinde queris, hodie totú expromito. QVER. Dies deficiet ante. LAR. Breuiter percurrere pauca, de quibus nunc tibi exponantur omnia. QVER. Vnum solum est vnde responderi mihi volo, Quare iniustis benè est, & iustis malè. LAR. Primùm, vt apud vosmet fieri video, de persona est quæstio, Cuinam tu verba promis? tibíne an populo? QVER. Et populo & mihi. LAR. Cùm tu tibi ipse sis reus, quemadmodú satis alijsq; multis defensores te paras? QVER. Ego noui me reum nō esse. LAR. Ergo posthac assertio conticescet, si persona exploditur. Inter bonos an inter malos tete numeras? QVER. Etiam queritas quid mihi met ipse videar, cū de scelestis cōquerar? LAR. Si probo de illis tete esse quos accusas, hoc est de malis, pro quibus posthac loquere? QVER. Si criminofum me esse cōuiceris, necesse est meritis vt meis sensum

accommodem. L A R. Celeriter nunc mihi responde, Querole, quanta iam putas fecisse te capitalia? Q V E R. Equidem nullum quod sciam. L A R. Nullumne? Ergo excidere omnia. Q V E R. Immo omnia penè retineo, sed scelus nullū scio. L A R. Heo, Querole, furtum nullum admisisti? Q V E R. Nusquam ex quo destiti. L A R. Ha, ha, he, hoc est nunquam admisisse? Q V E R. Quod verum est nō nego, Adulescens quēdam feci, fateor, laudari quæ solent. L A R. Cur igitur destitisti de scelere tam laudabili? Transeamus istud. Quid de falso dicimus? Q V E R. Hem, quis autem verum dicit? Istud commune est, abi. L A R. Idcirco crimen non est? Quid de adulterio? Q V E R. Attat, etiam hoc crimen non est. L A R. Quando autem licitum esse, coepit? Q V E R. Men' rogas? quasi tu nescias. Hoc est, quod nec permitti nec prohiberi potest. L A R. Quid ad hæc, Querole, vidēsne te contra licitum vivere? Q V E R. Si tu me ad hæc reuocas, nemo est innocens. L A R. Et tamen non de omnibus tete interrogavi, si reminisceris. Q V E R. Nihil est amplius. L A R. Nulli igitur mortē optasti? Q V E R. Nemini. L A R. Quid si conuincō? Q V E R.

Nihil est quod respondeam. L A R. Dic mihi si soceros nunquã habuisti. Q V E R. Ecce iterum generale. L A R. Ergo omnia de omnibus cõfiteris. Q V E R. Quãdo sic interrogas. L A R. Quãdo hæc tibi leuia videntur, nescio quid sit quod crimen putes. Dic mihi præterea, quotiẽs peieraueris: Expone celeriter. Q V E R. Bona hora hoc exaudiat, Istud à me semper alienũ fuit. L A R. Quantò amplius quàm milies peieraueris hoc requiro, saltem hoc dicito. Q V E R. Oe, illa tu nunc requiris cotidiana & iocularia. L A R. Non faciliẽ intellego periurium iocularare quid putas: Tamẽ transeamus quod, vt video, cõsuetudo iam fecit leue. Quid igitur, sciens prudẽsque sacramentorum nunquam rupisti fidem? Vt alia taceam, nunquam iurasti amare te, quem iuratus oderas? Q V E R. Heu me miserum! Quid ego hodie mali cum isthoc repperi? Iuravi sæpe, fateor, quod cùm staret verbis, nõ staret fide. L A R. Vrbane igitur peierasti, fieri hoc solet: Quantò mallẽ, vt sermo laberetur, & staret fides! Tũc Querole, verbis te absolutum esse credis? Peierat sæpe qui tacet: Tantũ est enim tacere verũ, quantũ & falsum dicere. Q V E R. Omnia igitur peregisti, totum

commerui: Vale. L A R. Immo nihil est actum, Querole, nisi sequatur hæc duo. Primum contra meritum tuum miserum te non esse ut cōprobem: Secundò etiam felicē te esse, iam nunc ipse intellegas. Q V E R. Ergone egomet erūnosus nō sum? L A R. Et fateor, sed vitio tuo. Atque ut in omnibus reuincare, expone breuiter de quibus quereris maximè. Q V E R. Primum tibi geniorum optime, conqueror de amicis. L A R. Spes bona, quid de inimicis iste faciet, in quo tamen amicitiarum te læsit fides? Q V E R. Nemo mihi magis molestus, quàm familiaris, neq; magis morigerus, quàm leuiter cognitus. L A R. Quid nā hoc mirum est, si te qui nouit, despicit, qui non nouit, diligit? Q V E R. Agimus tibi gratias, Lar familiaris, tu nos ornas in omnibus. L A R. Iam intellego quid querere. visne breuib⁹ remediū hinc dari? Q V E R. Valdè cupio. L A R. In amicitiam & fidē stultum ne receperis: nam insipientum atque improborum facilius sustinetur odiū, quàm collegium. Q V E R. Quid si sapiēs non erit? L A R. Stultos ingenio rege. Q V E R. Quomodo? L A R. Vis te non decipi? Q V E R. Cupio. L A R. Credi-deris nemini: In tua est potestate ne deci-

piaris. Cur accusas perfidos? Vís n' tibi honorem deferri? Q V E R. Maximè. L A R. Inter miseros viuito. Q V E R. Propè vera loqueris. L A R. Vísne te nō decipi maximè à tuis? Q V E R. Vellem si fieri potest. L A R. Dicam quod dictū est prius. Nemini te, Querole, nimis sodalē feceris. Res nimium singularis est, homo ferre nō patiens parem: minores despicitis, maioribus inuidetis, ab æqualibus dissentitis: Dic quæso quid placeat. Ergo secundum vitia & mores quid sit tenendum discito. Compara comestationes, vinum, turbas respue, quē tu maximè tibimet obligare volueris, quantò leuius nectito: Conuentus verò & dibacchationes, & ioca friuola, non quæro vt amorem pariant, vtinam nihil odiorum darent. Q V E R. Quid quòd plures huiusmodi societate optimè vtuntur? L A R. Noui omnia: illos mihi tu narras, qui totū occultant, nimium vel prudētes, vel felices sunt, quos requiris: hoc ad Querolum non facit. Q V E R. Est aliud quod accusem: Pauper ego sum quidem, sicut tu, vel nosti, vel facis, sed hoc mecū tolerabile est. Illud prorsus nō fero, quòd tenuitati nemo ignoscit, neque cuiquam vt aliquem dicat pauperem: Quid præterea? hui quāto adiciūt,

Stultitiam, negligentiam, somnium & gurgulam: Patientia desidiae, acrimonia crudelitati adsignantur: Sic vertuntur omnia, nemo ad facultates, nemo ad censum respicit: Semper diues diligens, contra pauper negligens. L A R. Censoribus hæc reserua, Querole: Nunc autem illud dicito, quod specialiter te inquietat & grauat: Nam ista, quæ protulisti, communia sunt & antiqua paupertatis crimina. Tamen tu neq; diues, neque pauper es: Hoc si agnosceres, felix eras. Q V E R. Scisne me nuper patrem amisisse? L A R. Seruasti præceptum: Speciale hoc planè est, hoc est quod nemini antehac contigit. Quid igitur? Nonne hoc iustum fuit, bustum ut efferret filius? Q V E R. Fateor, sed pater ipse nihil reliquit. L A R. Dura deploratio, exequias inanes tibi contigisse luges: Irasceris ergo, non doles, patri certè nihil defuit, tibi que hodie nihil deficit: Non enim hoc parua hereditas: Suscèdesne senio saltè extremo? Si bimet vixit qui semper tibi. Utinam tu heredibus tantum relinquas, quantum reliquit Euclio. Dic ergo aliud, iam istinc nihil audio. Q V E R. Seruus mihi est, quem tolerare nequeo, Pantomalus & mente, & nomine. L A R. Facilem te, Querole, si vnus tibi est Pátoma-

lūs, multi Pantomalos habent. Q V E R. Sed plures audio, qui suos etiam laudant. L A R. Isti peiores habent. Q V E R. Cur igitur laudant? L A R. Quia quid deperdant nesciunt. Q V E R. Tempestas maximè fructus meos abstulit: Numquid commune hoc fuit? L A R. Non vno genere homines puniuntur: Tibi tempestas obfuit, alter aliud pertulit. Q V E R. Oe, confortes mei, iamdudum nihil incommodi pertulerunt. L A R. Fallis turpiter. Q V E R. Da quæso veniam: Ignorabam peculiarem tibi curam esse hanc de confortibus meis. Adhuc habeo quod obiciam, Vicinus mihi malus est. L A R. Ecce rem verè malam. Tamen, Querole, de vno isto, quantū etiam hīc præstiterim, vide: vicinum malū pateris vnum tantum, quid faciunt illi, qui plures habent? Q V E R. Conserua istum, quæso, Lar familiaris, ex voto meo tuere, quem præstitisti, ne fortè nascantur duo. L A R. Quid si etiam hinc vincimus? dic, quæso, nunc mihi, quem tu putas feliciorē, rete, an istum de quo quereris? Q V E R. Quidnam hīc simile est? Aut nunquid dubitari potest, feliciorē eum esse, qui alterum queri compellit, quàm ille qui ad querelam confugit? L A R. Hem, Querole,

Vis iam nunc facimus, vt infeliciorem esse hunc scias? Q V E R. Valdè cupio. L A R. Sed hoc egomet tibi tantùm indicabo, paululum aurem accommoda. Q V E R. Cur non apertè loqueris? Nunquidnam etiam tu times? L A R. Quidni timeam, qui tecum viuo? Aurem accommoda. Q V E R. Age dicito, Ha, ha, he, Habeat, teneat, possideat seq. cum suis: lautè edepol nos accipis doctor: Nonne certè iam nihil conqueror? L A R. Quid istuc, Querole, paululum tibi ita videtur, rursus ad ingenium redis: Sed quoniam miserum te nō doces, superest vt felicem cōprobem. Dic, quæso, Querole, sanus es? Q V E R. Ita arbitror. L A R. Quāti hoc æstimas? Q V E R. Hoc etiam imputas? L A R. O, Querole, sanus es, & felicem te negas: Vide ne postmodū felicem te fuisse scias. Q V E R. Iam superius dixeram, benè mecū agitur, sed iuxta alios malè. L A R. Certè apud te benè. Q V E R. Fateor. L A R. Quid quæris amplius? Q V E R. Quare alij meliùs? L A R. Iam istud ad inuidiam pertinet. Q V E R. Sed rectè inuideo: Nam sum deterior inferioribus. L A R. Quid si feliciorẽ tete edoceo, quàm sunt isti de quibus dicturus es? Q V E R. Tum igitur facies,

eles , pōsthac Querolus nullum permittat
queri. L A R. Vt negotium sit breuius &
lucidius, argumenta remoueo: Tu fortunā
dicito , cuius tibi conditio placeat : sortem
autem quam ipse volueris, iam nunc dabo.
Tantum illud memento , ne putes posse te
aliquid deplorare, atque excipere, vnde ali-
quid legeris. Q V E R. Placeat optio : Da
mihi diuitias atque honores militares , vel
mediocriter. L A R. Istud tibi præstare va-
leo : verum illud vide , si tu valeas implere
quod peris. Q V E R. Quid? L A R. Po-
tes bellum gerere, ferrum excipere , aciem
rumpere? Q V E R. Istud nūquam potui.
L A R. Cede igitur præmio atque honori-
bus, his qui possunt omnia. Q V E R. Sal-
tem aliquid nobis tribue in parte ciuili &
miserabili. L A R. Vis ergo omnia & exi-
gere, & exsoluere? Q V E R. Attat hoc ex-
cidit, iam neutrum volo . Si quid igitur po-
tes, Lar familiaris , facito vt sim priuatus &
potens. L A R. Potentiam cuiusmodi re-
quiris? Q V E R. Vt mihi liceat spoliare
non debentes, cædere alienos , vicinos au-
tem & spoliare & cædere. L A R. Ha , ha,
he , latrocinium non potentiam requiris:
hoc modo nescio edepol quemadmodum
præstari hoc possit tibi: tamē inueni , habes

B. J.

quod exoptas, vade, ad Ligerem viuito.

Q V E R. Quid tum? **L A R.** Illic iure gē-
tium viuunt homines: ibi nullum est præ-
stigium: ibi sententiæ capitales de robore
proferuntur, & scribuntur in ossibus: illic
etiam rustici perorant, & priuati iudicant:
ibi totum licet. Si diues fueris, patus appel-
laberis: sic nostra loquitur Græcia: ô filuæ,
ô solitudines, quis vos dixit liberas? multò
maiora sunt quæ tacemus, tamen interea
hoc sufficit.

Q V E R. Neque diues ego
sum, neque robore vti cupio: nolo iura hæc
siluestria. **L A R.** Pete igitur aliquid mi-
tius honestiùsque, si iurgare non potes.

Q V E R. Da mihi honorem, qualem opti-
net togatus ille, muneras quem maximè.

L A R. Rem prorsus facilem nvn petisti.
Istud etiam si nō possumus, possumus: vís-
ne præstare hoc tibi?

Q V E R. Nihil est
quod plus velim.

L A R. Vt maxima quæ-
que taceam, sume igitur tegmina hieme
trunca, & æstate duplicia: sume laneos co-
turnos, semper refluos carceres, quos plu-
uia soluat, puluis compleat, cœnum & su-
dor glutinet: Sume calceos humili fluxos
tegmine, quos terra reuocet, fraudet limus
concolor: æstum vestitis genibus, brumã
nudis cruribus: in foccis hiemes, canculos

in tubulis. Age, patere inordinatos labores, occurfus antelucanos, iudicis conuiuium, primum, postmeridianum, aut æstuosum, aut algidum, aut insanum, aut serium. Vende vocem, vende linguam, iras atque odiū loca. In summa pauper esto, & reporta penatibus pecuniarum aliquid, sed plus criminum. Plura etiam nunc dicere, nisi quod efferre istos melius est, quàm lædere.

QVER. Neque istud volo. Da mihi diuitias quales consecuntur illi, qui chartas agunt. LAR. Sume igitur vigilias & labores illorum, quibus inuides. Aurum in iuuenta, patriam in senectâ quære: tiro agelli, veteranus fori, ratiocinator eruditè, possessor rudis, incognitis familiaris, vicinis nouus, omnem ætatem exosus agito, funus vt lautum pares. Heroës autem Deus ordinabit, istis nolo inuideas, Querole. SÆPË

CONDITA LVPORVM FIVNT RAPINÆ

VVLPIVM. QVER. Heia, nec chartas volo: Tribue saltem nūc mihi peregrini illius

& trāsmarini mercatoris facculum. LAR. Age igitur, conscende maria, te tuosque pariter vndis & vētis credito. QVER. Istud egomet nūquam volui: da mihi saltem vel

capſas Titi. LAR. Sume igitur & podadam Titi. QVER. Minimè. LAR. Ne-

B. ij.

que tu capſas continges Titi. Q V E R. Neque iſtud volo: Da mihi pſaltrias & cōcubinulas, quales habet auarus ille fenerator aduena. L A R. Habes nunc planè tota mēte quod rogas: Suscipe quod exoptas toto cum choro, ſume Paphien, Cytheren, Breſeiden, ſed cum pondere Neſtoris.

Q V E R. Ha, ha, he, quamobrem? L A R. Habet hoc ille, cuius tu ſortē petiſti. Heo, Querole, nunquam audiſti: Nemo gratis bellus eſt? Aut hæc cum illis habenda ſunt, aut hæc cum his amittenda ſunt. Q V E R.

Adhuc inuenio quod requiram: Da mihi ſaltem inpudentiam. L A R. Vrbanè edepol, tu nunc omnia quę negauerim concupiſcis: Si toto vis vti foro, eſto inpudēs: ſed ſapientiæ iaſtura facienda eſt nunc tibi.

Q V E R. Quamobrem? L A R. Quia ſapiens nemo eſt impudens. Q V E R. At abi, Lar familiaris, cum tua diſputatione.

L A R. At abi, Querole, cū tua querimonia. Q V E R. Nunquámne mutabis calamitas?

L A R. Quamdiu tu vixeris.

Q V E R. Felices ergo non ſunt. L A R. Sunt aliqui, ſed non illi quos tu putas.

Q V E R. Quomodo? Si oſtēdero iam nūc tibi aliquem & ſanum & diuitem, felicem hunc negabis? L A R. Diuitē poteſ nolle,

sanum esse quid putas? QVER. Corpore benè valere. LAR. Quid si ægrotat animo? QVER. Istud egomet nescio. LAR. O Querole, inbecilla tantùm vobis corpora videntur, quantùm animus est infirmior: spes, timor, cupiditas, avaritia, desperatio inesse felicem sinunt. Quid si nescio quis ille, alius in corde, alius est in vultu? quid si lætus publicè, mœret domi? Vt maiora reticeam, quid si vxorem nō amat? quid si vxorem nimis amat? QVER. Si nemo felix, nemo igitur iustus? LAR. Etiam hinc respondeo. Sunt aliqui, fateor, iusti propè, sed prima est horum calamitas. Est'ne aliquid, quod requiras? QVER. Immo edepol nihil: Meam mihi concede sortem, quādo nihil melius repperi. LAR. Igitur quanquam felicem esse te constiterit, tamen etiam nunc beatiorem te futurū vt agnoscas volo: Aurum hodie multū cōsequere. QVER. Ludis nos, fieri hoc nō potest. LAR. Quam ob causam? QVER. Quia non est via. LAR. Sanè difficile est nobis facere atque inuenire, quod tu nō intellegis. QVER. Dic, quæso, nūquid rex aliquid largietur? LAR. Nihil. QVER. Numquid amicus donabit aliquid? LAR. Nihil. QVER. Numquid ex transuerso

B. iij.

quispiam me heredem instituet? L A R.
 Nihil minus. Q V E R. Numquid thesau-
 rus alicubi defossus apparebit ante oculos
 meos? L A R. Atqui si thesaurus domi tuę
 lateret, prius alteri esset ostendendus quàm
 tibi. Q V E R. Et quemadmodum sum ha-
 biturus egomet, quod mihi nullus dabit?
 L A R. Vadē iam nunc, & quicquid cōtra
 te est, facito. Q V E R. Cur ita? L A R. Sic
 expedit: fallenti creditō, & circumuenienti
 operam atque adsensum accōmoda: fures
 si ad te venerint, excipe libenter. Q V E R.
 Tum si aliquis meis ædibus facem subiciet,
 iuberēsne me oleū infundere? L A R. No-
 ueram te crediturum non esse. Q V E R.
 Fures mihi ac prædones CUI BONO? L A R.
 Vt si quid tibi spei, aut præsidij est, totū au-
 ferant. Q V E R. Cur ita? L A R. Vt sis di-
 tues. Q V E R. Quomodo? L A R. Bona
 si perdideris tua. Q V E R. Quamobrem?
 L A R. Vt sis felix. Q V E R. Quomodo?
 L A R. Si fueris miser. Q V E R. Istud pla-
 nè est quod sæpe audiui, obscuris vera in-
 uoluere. Sed quid facere me iubes? L A R.
 Quod contra te putas. Q V E R. Dic ergo
 quid sit, ne fortasse aliquid pro me faciam
 nescius. L A R. Quicquid egeris gesserisve
 hodie, pro te fiet. Q V E R. Quid si egomet

nolo? L A R. Velis nolis, hodie bona fortuna ædes intrabit tuas. Q V E R. Quid si ædes obfero? L A R. Per fenestrā defluet. Q V E R. Quid si & fenestras claufero? L A R. O stulte homo, prius est, ut hæ pateant, ipsaque sese tellus aperiat, quàm ut tu excludas, vel submoueas, quod mutari non potest. Q V E R. Igitur quantum intellego, non mihi præstat, quod velim nolim faciendum est. L A R. Neque ego id expectabam, ut gratias ageres, sed ut querolū te constaret in omnibus. Q V E R. Tu nūc quò tēdis? L A R. In ædes tuas, immo nostras me recipio, inde ibo quolibet: ita tamen usque quaque peruagabor, ut te nunquam deserā. Q V E R. Incertus ego sum factus magis hodie, quàm semper fui: Quid ergo nunc faciam cum responso huiusmodi? Cuiusquāme oraculum tale vnquam datum est, ut ipse sibimet mala quæreret, aut non excluderet, si fieri posset, ingruentē miseriam? Perde inquit, siquid est tibi domi, ut adquiras plurima: Mea si mihi auferantur, aliena quando aut quis dabit? Vade, inquit, fures require, predones recipe in domum: Primū hoc si cognosci, atque etiā si probari potuerit, nōne iudex iure optimo pessundabit, tanquam latronum con-

B. iij.

scium? Sed vbi nam fures ipsos modò requiram? vbi inuestigē nescio: Vbi nam illa est cohors fuliginosa, vulcanosa, atra, quæ de die sub terras habitant, nocte in tectis ambulant? Vbi illi sunt, qui vrbane fibulas subducunt, quique curtant balteos? Nisi fallor, vnum ex ipsis video, atque ecce rem gerit: Hem, tibi clamo, impostor. Oe, cessa: euge seruata est fibula: Attat spes mihi nulla est, mandato excidi: interdictum fuerat ne obuiarem furibus, verum ne excluderem: Hercle hoc stultum est, nihil prorsus hinc placet. Atque edepol, nisi fallor, iste qui apud me est locutus, vrbane est homo. Numquodnam meritum nunc meum, ut mihi potissimum res diuina ostenderetur? Hic nescio quid est præstigij. Vereor hercle ne furtum quod denunciabat, iam perfecerit. Ego me hac intus refero, atque hominem si repperero, continuò producam foras.

MANDROGERVS, SYCOFANTA,
SARDANAPALLVS. MANDROGERVS.



Ultum sese aliqui laudant, qui vel pugnaces feras, vel fugaces bestias, aut vestigiis insequuntur, aut cubilibus deprehendunt, aut casu opprimunt. Quæ-

rò mihi maius est ingenium & lucrum, qui homines venor publicè? Sed quos homines? diuites & potètes & literatos maximè: Mandrogerus ego sum parasitorù omniù longè præstantissimus: Aula quædam hîc iacet, cuius odorem mihi trans maria ventus detulit: Cedant iuris conditores, cedât omnia coquorum ingenia, cedant Apici fercula: huius ollæ conditum solus sciuit Euclyo. Quid miramini? Aurum est quod sequor, hoc est quod vltra maria & terras olet. Quid ad hæc vos dicitis nouelli atque incipientes nunc mei? quando hæc discere potestis? quando sic intellegetis? quando sic docebitis? SYCO. Atqui si scias, Mandrogerus noster, quale egomet somnium nocte hac vidi! MAND. Dic, obsecro, si quid est boni. SYCO. Nocte hac videbam thesaurum, quẽ sperabamus nobis venisse in manus. MAND. Quid tû? SYCO. Videbã ex parte solidos. MAND. Ha, istud non placet. SYCO. Erant præterea vncinuli hamati, torques & catenulæ. MAND. Dic, quæso, aliqua insuper non somniaisti vincula & verbera? SARD. Infaustum hercle hominem, solû hîc non vidit carcerem. Oe, homo prodigiöse, ego te iam nunc explodo cum verbis

ruiſ: Noctē iſta ego in ſomnis funus videbam. M A N D. Di te ſeruent hic benè. S A R D. Et nos ipſi funus illud nescio quò ferebamus. M A N D. Optimè. S A R D. Insuper etiam deſlebamus deſunctum illū, quaſi alienum tamen. M A N D. Audin' tu iſtæc, ſtulte homo? Talia egomet etiam manifeſta malo, quàm tua ſomnia. Funus ad lætitiā ſpectat, lacrimæ ad riſum pertinēt, & mortuū nos ferebamus, manifeſtū eſt gaudium. Ego autem meum vobis narrabo ſomnium, prorſus manifeſtiſſimum: Dicebat nescio quis ſomnianti nocte hac mihi ſeruari manifeſta fide, nec cuiquam alteri conceſſum eſſe aurum illud inuenire niſi mihi: Sed inſuper adiecit, ex iſtis opibus, hoc tantummodo mihi profuturum quod conſumpſiſſet gula. S Y C O. Optimè edepol ſomniaſti: Quid autem aliud quærimus, niſi tātūm quod ſufficiat ventri & gulæ? S A R D. Pulchrè edepol ſomniaſti: felicem te, Mād rogerus, nos qui tecum ſumus. M A N D. Sed heus tu Sycoſanta noſter, niſi me fallit traditio, iam peruenimus. S A R D. Ipſa eſt platea, quam requiris. S Y C O. Recurre ad ædiculam citò. M A N D. Sacellum in parte argentea ex diuerſo. S Y C O. Vtrunq; ſic eſt.

MAND. Ventum est. SARD. Quid præterea? MAND. Domus excelsa. SYCO. Apparet. MAND. Iliginis foribus. SARD. Ipsa est. MAND. Attat, quàm humiles hîc fenestras video! Euge, hîc frustra clauduntur fores: tum præterea inermes quantum inter sese distant regulæ: securà hercle regio hîc mihi, & fures nil nocent: sed interius mihi aurum olet. Alia temptandum est via. Heia nunc, Sycofanta noster, túque Sardanapalle, si quid vobis ingenij, comitatis & virtutis, nunc totum ostendite: ego tamquam Cynicus magister inuenta & inclusa trado gaudia: retia vosmet obsidete, dum percurro cubilia: Iam omnia tenetis animo quæ iamdudum diximus, quæque exinde meditamur nocte ac die. SYCO. De atrio porticus, inrectè rationem tenes. SARD. In sacrario tria figilla. MAND. Conuenit. SYCO. Arula in medio. MAND. Sic sunt omnia. SARD. Aurû ante aram. MAND. Hoc iam nostrum est: quid ipsius Queroli indicia iam tenetis? SYCO. Melius hercle, quàm tua: Tu vide an diuinare possis, nos mentiri nouimus. MAND. Ego istuc in parte hac deambulatum ibo, illinc obseruabo omnia: atq; vbi res vel ratio po-

stularit, cōtinuò hīc adero. SYCO. Nos quoque paululum istàc' secedamus, ne suspitionem improbitas paret.

QVEROLVS, SYCOFANTA, SARDANAPALLVS. QVEROLVS.



Oster ille qui mecum est locutus nusquam apparuit, neque aliquid subripuit intus: iste plañe homo non fuit. SARD. Hem ipse est, vellē hercle audire hunc hominem, quem vidi modò: Ego magos mathematicosq; noui, talem prorsus nescio: hoc est diuinare hominem, non qualiter facere quidam rīsores solent. QVER. Hem! quemnam diuinū isti esse dicunt? SARD. Sed hoc nouū est quod vidi modò: vbi te aspexerit, primū tu te vocat nomine, dein parentes, seruos atque omnem familiam exponet, quasi nouerit quid tota gesseris ætate, quidve postea sis acturus, totum edisserit. QVER. Bellus hercle hīc nescio qui est: non prætereunda est fabula. SYCO. Quæso sodes, adgreddiamur hominem illum ratione qualibet. SARD. O me stultum atque ineptū, qui non consului statim. SYCO. Et ego her-

cle vellem , verùm , vt nosti , non vacat.
QV ER. Cur non omnia agnosco? Salue-
te amici. SY CO. Saluus esto , qui saluos
esse nos iubes. QV ER. Quid vos, secre-
tùmne aliquod? SA RD. Secretum à po-
pulo, non secretum à sapiētibus. QV ER.
De mago nescio quid vos audiui. SA RD.
Ita est, de nescio-quo nunc sermo erat, qui
omnia diuinat : verùm quisnam ille homo
sit nescio. QV ER. Estne talis aliquis?
SA RD. Maximè ergo , Sycofanta, vt di-
xeram, per te tuòsque, mi fodes, te rogo, vt
illàc venias, venias mecum vnà simul. SY-
CO. Iamdudum dixi vltro & libenter irē,
si vacuum nunc esset mihi. SA RD. Ma-
ne paulisper. QV ER. Quæso, amice, ne
te subripias tam citò: egomet quoque scire
cupio, quisnam iste est, de quo sermo nunc
erat. SY CO. Edepol, nescio quid aliud
mihi est negotij, cognati atque amici iam-
dudum me expectāt domi. SA RD. Ma-
gna hercle hominis difficultas & persuasio:
neque nunc te amici expectant, neque co-
gnati, paulisper mane. QV ER. Quæso,
amice, si mea non est odiosa societas, con-
sulere vobiscum volo. SA RD. Vereor
hercle ne difficilem se nobis faciat, si plures
videt. SY CO. Optimè edepol, ecce so-

des comitem quærebas, habes, mihi molestus ne fies. Q V E R. Quæso, amice, si huic ita videtur, habeat nos illac vnà symul.

S A R D. Atque isto nobis est opus, quoniã hominẽ illũ vidit, & nouit benè. Q V E R.

Iustum est vt nobis hodie operam inpendas, quoniam sic ratio expostulat. S Y C O.

Immo hercle iste illum nouit melius, atq; ille hunc familiariter. Q V E R. Sed quæso

nunc vestram fidem, quĩnam hic homo est, vel cuius loci? S Y C O. Quantum cõ-

peri M A N D R O G E R V S vocatur, hoc scio.

Q V E R. Attat pulchrum hercle nomen, iam hoc de Magis existimo. S Y C O. Primum prætèrita edicit, si omnia cognoscis,

tum de futuris differit. Q V E R. Magum hercle hominem tu narras, & consuli hunc non placet? S Y C O. Volo equidem, sed

paulisper non vacat. Q V E R. Age, da operam amicis, nobis quoque simileter impera, si quid voles. S Y C O. Habeo gra-

tiam, quoniam istud vultis, fiat. Sed audite quid loquor, huiusmodi homines impostores esse. Q V E R. Hem, sodes ipsud volebam dicere: certè ferulas non habet, ne-

que cum turbis ambulat. S Y C O. Ha, ha, he, tales hercle consulere hic deberet homo curiosissimus? S A R D. Verbis quan-

tum vult ille fallat, plus de nobis non licet. SYCO. Si vobis ita videtur, placeat vt ego hominem scisciter, atque vt omnia perquiram non vno modo: si mihi ille de omnibus respondere potuerit, sciatis verè hunc esse diuinum vel magum. SARD. Dixisti optimè: sed eccum ipse hàc præterit, ita vt volui contigit: quanta in ingressu grauitas, quanta in vultu dignitas! QVER. Adgrediamur hominem, atque à publico seuocemus, vt secretò differat.

QVEROLVS, MANDROGERVS, SYCO-
FANTA, SARDANAPALLVS.

QVEROLVS.



Alue Mandrogerus. MAND. Saluos esse volo. QVER. Tu quoq; incolumis esto sacerdotū maxime, quoniam laudaris ac diligenter plurimum merito tuo. SYCO. Scin' tu Mandrogerus quid ex te volumus noscere? MAND. Quænam? fortasse noui. SYCO. Consulere de quibusdam volumus, & cognoscere tuam insignem sapientiam. MAND. Non equidem constitueram, sed quoniam ita vultis, consulite vt respondeam. SYCO. Quæsumus vt libenter nobis operam tuam in-

pendas:prolixa nūc disceptatione opus est.

M A N D. Dicite quid velitis. S Y C O.

Primūm vt exponas quæsumus, quæ sunt optima sacrorum genera vel cultu facilia.

M A N D. Duo sunt genera potestatum, vnum est quod iubet, aliud quod obsecun-

dat: sic reguntur omnia :Præclarior maiorum potestas, sed minorū sæpe vtilior gra-

tia. Verūm de maioribus, neque mihi dicere, neque vobis audire est vtile: itaque si &

inuidiam & sumptum cuitatis, sperate ab inferioribus. S Y C O. Quænam ista sunt

obsequia, quibus obsequi nunc oportet? M A N D. Dicam celeriter, tria sunt inprimis,

Planetæ potentes, anseres importuni, & cynocefali truces: has tu effvgies omnibus in fanis & sacellis si intueare vel placare potueris, nihil est obstare quod possit tibi.

S Y C O. Illósne quæso tu mihi planetas loqueris, numeris qui totum rotant?

M A N D. Ipsos nec visu faciles, nec dictu affabiles atomos in ore voluunt, stellas numerant, maria æstimant, sola mutare non possunt sua.

S Y C O. Egomet audieram, quòd ipsi omnia gubernarent. M A N D.

Ha, ha, he, hîc si aliquid gubernare censes, nescio vbi naufragium dixeris: Vbi rerum omnium penuriam esse norunt, illic homi-

nes

hæc non regant. Summa est medella, vicissim alia ut evertat loca, messes hæc atque illæ transferunt diris tempestatibus, omneisque fructus paucorum improbitas capit.

S A R D. Nouum tibi est transferri messes?

M A N D. Istis licet rerum omnium species atque formas ut libuerit vertere. Sed quod gradibus & transfusionibus? aliud ex alio iubent: triticum ex vino subito fieri videas, vinum ex tritico: Iam flaua seges hordei facile efficitur ex quouis titulo & nomine: mortales vero animas siue inferis, siue superis addere nullus labor.

S A R D. Vides ergo tam potentes placari oportere?

M A N D. Ha, ha, he, paucis hoc licet, sacraria istæ nimis superba sunt & sumptuosa, maxime si obaudire vultis, exiguo votum soli sacello soluite.

S Y C O. Et oracula istæ vbinam specialiter sunt expetenda?

M A N D. Vbi libet, hæc atque illæ, sursum deorsum, in terra, in mari.

S Y C O. Et quisnam infelix deprehendere aut adire possit hæc tam vaga sidera?

M A N D. Adire facile est, abire impossibile.

S Y C O. Quamobrem?

M A N D. Mystéria sunt in aditu diuersa & occulta, quæ nos soli nouimus, arpiæ, cynocephali, furia, vlulæ, nocturnæ striges;

absentes hydris congregant, præsentis vir-

Cj,

gis submouēt : ita neque abesse licitum est, nec adire tutum: turbas abigunt, & turbas amant. quid plura, Querole? Si te numina diligunt, ne tu quicquam hinc noueris.

S Y C O. Atqui, sacerdos noster, mysteriū hoc iam displicet : de secundo illo genere anserino ediffere atque expone, si quid est boni. M A N D. Isti sunt qui pro hominibus perorant ante aras atque altaria, quibus cygnea sunt capita & colla, reliquias edere mensarum solent, isti sunt ariolorum longè fallacissimi, tātum est quòd vota hominum interpretantur & malè precēmque dicunt, sed responsa numquam eligunt cōgrua.

S A R D. Hosne tu olores esse naras? ego in sacellis proximè anseres inspexi multos, neminem vidi cygnū, magnis gutturibus capita attollunt, alas pro manibus gerunt: primū inter sese linguam trisulco vibrant sibilo, inde vbi sonuerit vnus, cuncti alas quatiunt, diris cum clangoribus.

M A N D. Non paruo explentur isti, panē neque nouerunt, neque volunt, hordea insectantur fracta & madida, spicas nonnulli vorant, quidam etiam polenta vtuntur, & carne iam subrancia. S Y C O. En sumptum inanem. M A N D. De istis quondā magnus dixit Tullius, *Anseribus cibaria publicè*

locantur , & canes aluntur in Capitolio. SYCO,
 O gēnus hominum multiforme & mul-
 tiplex ! his egomet fuisse arbitror matrem
 Circen , Proteum patrem. SARDIA,
 Edepol neque isti placent : cynocephalos
 nunc expone, si meliores putas. MANDRA,
 Isti sunt , qui in fanis ac sacellis obseruant
 vela & limina, quibus à pectore capita sunt
 canina , * alui des , pandæ manus , æditui
 custodēsque istos Ecuba quondam post-
 quam verè facta est canis , Anubi nupta
 nostro latranti Deo omnibus templis ac
 delubris semper denos edidit, sic à pectore
 biformes, infrà homines, sursum feras , Ita-
 que vbi ignotus precator templa petierit,
 hinc atque hinc multisono cuncti latratu
 fremunt, vt adeas tantum dabis, vt perora-
 re liceat , multò plus dabis : mysterium de
 religione faciunt & commercium , quæ cō-
 munia sunt & gratuita vendunt foris , istis
 omnibus litandū, si paruo nequeas, at quāti-
 queas: Respiciite ad homines potestatesque
 vestras, & nobis veniam date, mihi que cre-
 dite, Deus facilius aditur , quàm prole co-
 gnitur. SYCO. Actum est, neq; istos vo-
 lo, nihilque inter omnia quæ narrasti im-
 probius poto. SARDIA. Felices vos qui
 non cynocephalos pertulistis , ego autem

C.ij.

ipsum vidi Cerberū, vbi nisi ramus aureus
adfuisset, Æneas non euaserat. S Y C O.
Quid de simiis? M A N D. Istæ sunt quæ
futura scribunt gesta, quæ vos dicitis, homi-
nūque fata leuibus voluunt paginis, non
quidem periculosa hæc animalia, sed mo-
lesta, atq; improba. Quas illic sannas, quos
corymbos videas, si nummos non asperse-
ris? nam si insuper nuces & sorba dederis,
omnē pupillū ceperis. S Y C O. Arpyias,
quæso, præteristi quæ semper rapiunt & vo-
lant. M A N D. Istæ sunt, quæ vota homi-
num obseruant atque honores numinum,
non solū sollemnia, verumetiam extra-
ordinaria requirunt, & parentum debita: si
aliquid ad diem præsentatum non est, cum
tormentis exigunt, hæc atque illæ totum
per orbem iuxta terras peruolant, digitos
ad prædam exacuunt curuis timendos vn-
guibus, semperque mensis aduolant: quod
contingunt, auferūt, quod relinquunt, pol-
luunt. istæc prodigia alere, quàm nosse ma-
lo: sed neutrum placet. S A R D. Nocti-
uagas etiam præteristi celeres, capripedes,
hirquicomantes. M A N D. Innumerabi-
lia sunt hæc prodigia, sed ignaua & vilia, so-
lum hoc est, quod sequuntur atque obser-
uant vnice panē domini. S Y C O. Omnia

sacra tute ipse improbasti, quænam igitur prædicas? MAND. Quoniam simpliciter interrogastis, scitote inter istæc omnia nihil esse melius quàm vt aliqui fato nascatur bono. QVER. Et ita suspicamur, sed fatum ipsum qualiter tandem coli, vel propitiari potest? MAND. Dicam, Genij sunt colendi, quoniam ipsi decreta fatorum regunt, isti sunt placandi atque exorandi: simulque siqua intra ædes latet mala fortuna, vinciēda atque exportāda est. QVER. Pulchrè edepol doces: sed vt facilius nunc sequamur omnia, da nobis experimentum tuæ potestatis & sapiētix, quoniam ea quæ noueras narraſti: nūc si potes, ea quæ nescis dicito. MAND. Non equidem ex integro fieri istud potest, tamen accipite pauca, de quibus intellegatis cætera: certè ego met neque mores neque facultates vestras didici. SARD. Certum est. MAND. Tu Sardanapalle pauper es. SARD. Agnosco, verum tamen vereor ne plures hoc sciant. MAND. Humili loco natus. SARD. Ita est. MAND. Ideo tibi cōtra regium nomen datum est. SARD. Ita aiunt. MAND. Homo es vorax, petulās & calamitosissimus. SARD. Heo, Mandrogerus, numquidnam hoc sum precatus, C. iij.

ut vitia enarres mea? M A N D. Mentiri mihi nō licet, é sñe adhuc quod narrare me velis? S A R D. Utinam ne istæc quidē de me locutus esses, siquidē vltcrius hæc amicis dicito. S Y C O. Ego te, Mandrogerus, hoc exoro, futura nunc mihi ut enarres, & ea tātummodo quæ sunt bona. M A N D. Ego non possum nisi à capite exponere: tu Sycofanta, nobili & claro natus es loco. S Y C O. Ita est. M A N D. Ab initio nequam. S Y C O. Etiam hoc confiteor, manet. M A N D. Damna te premunt. S Y C O. Verum est. M A N D. Periculum sæpe tibi incumbit igni, ferro, flumine. S Y C O. Pulchrè edepol omnia narravit, quasi qui mecum vixerit. M A N D. Datum tibi est de proprio nihil habere. S Y C O. Intellego. M A N D. Sed de alieno plurimum. S Y C O. Iam istud nobis sufficit: nunc illud te quæsumus, ut etiā huic respōsa tribuas homini minimè malo. M A N D. Ita fiat. Heus tu, amice, tun' Querolus diceris? Q V E R. Dij te seruent, ita est. M A N D. Quid horæ nuncupamus? S Y C O. Inter sextam & tertiam, nihil fefellit, de clepsidra respondisse hominem putes. Hem! quid igitur Mars trigonus, Saturnus Venerē respicit, Iuppiter quadratus, Mer-

curius huic iratus, Sol rotūdus, Luna in sal-
tu est: collegi omnem iam genesim tuam,
Querole, mala fortuna te premit. QVER.
Agnosco. MAND. Pater nihil reliquit,
amici nihil largiuntur. QVER. Verū est.
MAND. Vis totum audire? vicinum ma-
lum páteris, seruum pessimum. QVER.
Agnosco omnia. MAND. Vis & nomi-
na seruulorum tibi etiam nūc eloquar?
QVER. Audire cupio. MAND. Seruus
tibi est Pantomalus. QVER. Verum est.
MAND. Est alter Zeta. QVER. Ma-
nifestum est. SYCO. O sacerdotem di-
uinum! MAND. Vísne adhuc amplius?
Scísne à me domum tuā ignorari? QVER.
Maximè. MAND. Porticus tibi est in
dextra, vt ingrediaris sacrarium è diuerso.
QVER. Ita sunt omnia. MAND. In
sacrario tria sigilla. QVER. Verum est.
MAND. Tutelæ vnum, Geniorum duo.
QVER. Iamiam comprobasti potestaté
ac disciplinam, nunc remedium promito.
MAND. Vbi celeriter consuli potest, &
sine sumptu ac mora, sacrarium certè solū
ac secretum est. QVER. Ita. MAND.
Certè nihil est illi conditum. QVER.
Nihil præter sigilla. MAND. Solemnitas
quædā ibidē celebranda est, sed religio tecū

C.iiij

omneis exclusit foras. QVER. Vtlibet,
 MAND. Religio per extraneos celebrā-
 da est. QVER. Ita fiat. MAND. Si
 quosnam possumus nunc inuenire tam ci-
 tō, optimū erat atque oportūnum isti si vel-
 lent operā nunc tibi dare. QVER. Que-
 so amici officiū nunc & religionem im-
 pendite: ego quoque, si opus fuerit, vobis o-
 peram præstabo meam. SYCO. Nihil
 quidem istinc nouimus, sed si ita factō opus
 est, fiat. SARD. Inhumanum est votis o-
 peram denegare. MAND. Benedicitis,
 ambo estis boni. QVER. Prò nefas, mé-
 ne quasi ex consilio non solum fore? Hem,
 Pantomale, celeriter iam nunc peruola, &
 arbitrum vicinum nostrum, vbicūque iam
 nunc reppereris, vsque ad nos pertrahe; sed
 noui egomet te, vade iam nunc, & caupo-
 nibus tete hodie colloca. MAND. Nescis,
 Querole, fatum ac decretum monētis rei?
 QVER. Quid igitur? MAND. Hora est
 synastria, istæc mihi placet: nisi iā nunc ali-
 quid geritur, frustra huc venimus. QVER.
 Eamus igitur intus. MAND. Tu præce-
 de, nos tecū sumus: Hem! quod exciderat,
 éstne aliqua tibi arcula inanis? QVER.
 Non vna quidem. MAND. Vna tātum
 est opus, in qua lustrū illud exportetur fo-

ras. QVER. Ergo & clauēs largior, vt inclusa excludatur calamitas. MAND. Omnia sunt peracta, quod bonum faustum felixque sit huic domui. Nos præstò sumus.

PANTOMALVS SERVVS.



Mneis quidem dominos malos esse constat, & manifestissimum est: verum satis sum expertus nihil esse deterius meo: nō quidem periculosus ille est homo, verum ingratus nimium & rācidus. Furtum si admissum domi fuerit, execratur tanquam aliquod scelus: si destrui aliquid videat, cōtinuò clamat, & maledicit quā malè: sedile, mensam, lectum si aliquis in ignem iniciat, festinatio nostra vt solet, etiā hinc queritur: tecta si percolent, si confringantur fores, omnia ad se reuocat, omnia requirit: hercle hic non potest ferri. Expensas autē rationesque totas propria perscribit manu, quicquid expensum nō docetur, postulat reddi sibi. In itinere autem quā ingratus atque intractabilis! Quotiens est autem antelucandum, primum vino, dein somno indulgemus, hinc primum est iurgium: post autem inter somnum & temetum, necesse est vt sequātur plurima: turba

trepida, perquisitio iumentorum, custodū fuga, mulæ dispares, iuncturæ inuersæ, mulio nec se regens: huic rei prorsus noua in itinere culpa: quando autem aliud fuit, sit paulisper patientia, totum istud emendat mora: at contrà Querolus, causam ex causa quærit, aliud ex alio ligat, mouere inutile carpentum non vult, neque animal debile, continuoque clamat, Quare istud nō suggestisti prius? quasi ille prius videre hoc nō potuerit. O iniqua dominatio! Ipse autem si culpā fortassis aduertit, dissimulat & tacet, & tum litem intendit, quando excusatio nulla iam subest, ne postea succurrat illud, Iam volebam facere, iam volebam dicere: iam quotiens vltro citroque extrudimur, necesse est remeare ad diē. Atque vt agnoscatis penitus artem hominis pessimi, vnā semper vltra iustum nobis largitur diem, vt ad præscriptum reuertamur: nōne iste irarum causas quæritat? Nos autem semper quicquidlibet aliud alio fuerit tempore, illam nobis specialiter diē tribuimus qua redituri sumus: Itaq; dominus qui falli sese non vult, neque decipi, quem kalendis velit adesse, redire iubet pridie. Illud autem quale est, quod temulentum execratur, atque agnoscit quā citò? modum qualita-

tēque vini in vultu & labiis primo cōspe-
ctu videt, falli se prorsus nō volt, neque cir-
cumueniri vt solent: quisquāne huic pos-
sit benè aut seruire, aut obsequi? calidam fu-
mosam non volt, neque calices vnguenta-
tos: quānam sunt hæ deliciæ? vrceolum cō-
tustum & infraetum, œnoforū exauricula-
tum & sordidum, ampullam trūcam limo-
sāque densis fultam cerulis non simplici-
ter intuetur, bilem tenere vix potest: Iam
excogitare nequeo quid sit, quòd tam pra-
uis placere possit moribus: vinum autē cor-
ruptum tenuatūque lymphis continuò
intellegit: Solemus etiam vinum vino ad-
miscere, nunquid adulterium dici hoc po-
test, cū lagenā vetere castrata succo, rursus
completur nouo? etiam hoc Querolus cri-
men indignum putat, & vt est nequitia, su-
spicatur hoc statim: ipsum etiam paxillum
argenti leuibus tensum tympanis limari cō-
mutarique semper credit, quia factum est
semel: quantula est autem discretio? in ar-
gento certè vnus est color: nam de solidis
mutandis mille sunt præstigia: muta remu-
ta facimus, & hoc mutari non potest: has
saltem distingui non oportet tam gemel-
las formulas: quid tam simile quā solidus
solido est? etiam hic distantia quæritur in

auro, volutus, ætas, & color, nobilitas, litteratura, patria, grauitas vsq; ad scriptuios quæritur in auro plus quàm in homine. Itaque vbi aurum est, totum est, hoc ante Querulus ignorabat: sed mali perdunt bonos. Ille autem arbiter ad quem nunc eo, quàm sceleratus est homo? seruis alimenta minuit, opus autem plus iusto imperat, inuerso hercle modio si liceret, turpe eliceret lucrum: Itaque si quando isti casu vel consultò se vident, tunc inuicem sese docent, & tamen hercle, vt omnia dicantur, si necesse est, malo meū: adhuc ille noster, qualiscumque est, tamen auarus non est in suos, solùm illud est, quod nimium crebrò verberat, semperque clamat. Itaque illis ambobus Deus iratus sit: & non sumus tamen tam miseri atq; tam stulti, quàm quidā putant: Aliqui somnulentos nos esse credunt, quoniam somnulamur de die, nos autem id facimus vigiliarū causa, quia vigilamus noctibus. Famulus qui diurnis quiescit horis, omni vigilat tempore; Nihil vmquā melius in rebus humanis fecisse naturam, quàm noctem puto, illa est dies nostra, tunc aguntur omnia: nocte balneas adimus, quamuis sollicitet dies: lauamus autem cū pedisequis & puelis, nonne hæc est vita libera? Luminis autē

vel plendoris illud subornatur quod sufficiat, quod publicet: ego nudam teneo, quā domino vestitam vix videre licet, ego latera lustro, ego effusa capillorum metior volumina, adsideo, amplector, foueo, foueor: cui nam dominorum hoc licet? illud autem nostræ felicitatis caput, quod inter nos zelotipi nō sumus, furta omneis facimus, fraudem tamen nemo patitur, quoniam totum hoc mutuum est: Dominos autem obseruamus atque excludimus: nam inter seruos & ancillas vna coniugatio est. Ve illis, apud quos domini vigilias multam in noctem protrahunt: tantum enim seruis de vita abstuleris, quātum de nocte abscideris: Quāti sunt ingenui qui trāsfigurare sese vellent hoc modo, manē vt domini fierent, serui vt vesperē! * Numquā tibi, Querole, opus est vt cum istæc omnia nos exercere tu aut tributum cogites: nobis autē cotidie nuptiæ, natales, ioca, dibacchationes, ancillarū feriæ, propter hoc quidā nec manumitti volunt: quis enim tantam expensam, tantāque impunitatē pręstare possit libero? Sed nimium hic resedi, meus ille, credo, iam nunc clamauit, vt solet, fas erat me facere quod pręcepit, id est, vt ad sodales pergerē: sed quidnam hīc fiet? accipiēda & mussitā-

da iniuria est: domini sunt, dicant quod volunt, quamdiu libuerit tolerandum est. Dij boni! numquàmne indulgendum est mihi, quod dudum peto, ut omnis ille durus & dirus nimis, aut ex munice, aut ex rogato, aut ex officij principe? quamobrè istud dico? quia post indulgentiam sordidior est abiectio. Quid igitur optem, nisi ut faciat ipse quod facit? viuat ambitor rogatus, cōuiuator iudicum, obseruator ianuarum, seruulorum seruulus, rimator circūforanus, circumspectator callidus, speculator, captatorque horarum & temporum, matutinus, meridianus, vespertinus, impudens salutes fastidientes, occurrat non venientibus, utaturque in æstu tubulis angustis & nouis.

MANDROGERVS, QVEROLVS. MAND.

DEpone ab humeris, Querole, pondus tā graue, satisfactū est religioni, quòd tute ipse malam fortunam portasti foras.

QVERO Mandrogerus, fateor, nunquam fieri posse hoc credidi, potentiam tuam & religionē ipsa res probat: arcula istæc iamdudum ut à me introlata est, quàm leuis mihi soli fuit, & nunc quàm grauis est duobus? MAND. Nescis nihil

esse grauius fortuna mala? Q V E R. Edepol noui & scio. M A N D. Di te seruent homo, mihi ipsi hoc præter spẽ venit quod laudas modò: nullam vnquam domum sic purificatam retineo, quicquid erat calamitatis egestatisque inclusimus. Q V E R. Miror hercle vnde pòdus. M A N D. Enarrari subitò hoc non potest: cæterùm solet euenire, vt istæ calamitas moueri multis non possit iugis. Iam istinc ergo ministri nunc mei lustrum istud in fluuios dabunt: tu autem non ita quæ iam nunc dabo, sensibus imis capè: Mala hæc fortuna quã abstulimus redire temptabit domũ. Q V E R. Nec Dij sinant, VNA SIT ILLI ISTA EC ET PERPETVA VIA. M A N. Triduo ergo istuc periculũ tibi est, ne hæc ad te redire tẽptet res mala: Tu igitur vniuerso hoc triduo domi clausus esto nocte ac die, nihil de domo tua foris nũc dederis, nihilq; intra ædes recipias, vicinos, cognatos, amicos omnes tanquã profanos respue, ipsa bonam fortunam clamãtem pulsantẽque hodie nemo audiat: Exaeto autem hoc triduo, illud domi non habebis quod ipse ex ipsa excluderis: abi ergo intus. Q V E R. Ego verò ac libens, dum tantummodo inter me ac fortunam meam solũ paries interfit.

M A N D. Celeriter hūc abige, hem! Que-
role, fortiter nūc claude fores. Q V E R. Fa-
ctum est. M A N D. Seras & catenas ad-
hibe. Q V E R. Tanquā pro memet fecero.

M A N D R O G E R V S, S Y C O F A N T A,
S A R D A N A P A L L V S. M A N D R O G E R V S.

I Vichrè edepol res processit, in-
uentus spoliatus clausus est ho-
mo. sed vbinam ornā respici-
mus? vel vbi arculam istam cō-
fringemus atque abscondemus
ne furtum indicia prodant? S Y C O. Ne-
scio edepol nisi vbicunque in flumine.
S A R D. Credis, Mandrogerus, prae gau-
dio ornā illam inspicere non ausus fui.
S Y C O. Neque ego. M A N D. Atqui
hercle ita factō opus fuit, ne mora suspitio-
nem afferret. S Y C O. Verū est. M A N D.
Primum fuit vt inueniretur, istud iam se-
quitur, tutum est. S Y C O. Quicquidlibet
narres, Mandrogerus, recedamus qualibet:
ego autem nō credam mihi, nisi aurum in-
spexero. M A N D. Neque ego dissimulo,
pergamus. S Y C O. Hāc atque illāc, tan-
tum ad secretum locum. M A N D. Prō
nefas viē omneis seruantur, ripe frequētur:
pergamus quocunque celeri.

P A N-

PANTOMALVS ET ARBITER.

ARBITER.

HEm Pantomale, domi quid agitur? vester ille quid facit? PANT. Quod nosti male. ARB. Ergo queritur? PANT. Nō planē, ita sit nobis incolumis, atque propitius. ARB. Atqui hercle solet esse ingratus. PANT. Quid vis fieri? sic res habet, cælū numquid æqualiter administratur? SOL IPSE NON SEMPER NITET. ARB. Benē Pantomale noster, tandem pro dominis solus qui hęc dictitas. PANT. Eadē dico vobis absentibus præsentibúsque. ARB. Credo, nam semper noui te bonū. PANT. Tu nos bonos ac semper felices facis, qui nostrum illum benē mones. ARB. Feci, & facio semper. PANT. Vah! vtinam ille mores seruaret tuos, essetque apud nos tam patiens atque indulgens quàm tu cum tuis. ARB. Non agnosco hęc, Pantomale, suffragia, nimium nosmet prædicas. PANT. Edepol nos omneis scimus, & laudamus plurimum, vtinamque illa tibi omnia eueniant, quod nos optamus seruuli. ARB. Immo tibi hercle pellibus ossibúsque vestris eueniat, quicquid optasti mihi. PANT. Ha! cur ita suspica-

D.j.

ris? nūquidnā in aliquo nōs grauas? A R B.
 Non, sed quia VOBIS NATVRALE EST O-
 DISSE DOMINOS SEMPER SINE DISCRI-
 MINE. P A N T. Malè imprecamur multis,
 verum est, & sæpe & liberè, sed illis sycofan-
 tis & maliloquis, quod nosti benè. A R B.
 Age, iam credo, sed quidnam tu dominum
 facere aiebas? P A N T. Rem diuinā cœpe-
 rat, Magus præsto erat cum ministris, intus
 omneis tūc ibant simul. A R B. Quidnam
 est hoc quòd fores clausas video? credo di-
 uinam rem gerunt, euoca illinc aliquem.
 P A N T. Hem Theocles, hem Zeta, ali-
 quis huc adsit citò, quidnam esse hoc dicā?
 Silentium est ingens, nemo est. A R B. So-
 lebant non ita somniculari ianitores ista in
 domo. P A N T. Credo hercle, religionis
 causa ab importunis cautio est: eamus huc
 ad pseudothyrum quam nosti benè. A R B.
 Quid si illic clausum est? P A N T. Ne ve-
 reare me duce, noster ille est aditus, claudi
 non intercludi potest.

MANDROGERVS, SYCOFANTA, ET
 SARDANAPALLVS. MAND.



Me miserum! SYCO. O me infe-
 licem! SARD. O me nudum &
 naufragum! SYCO. O magister

Mandrogerus! S A R D. O Sycofanta no-
 ster! M A N D. O pater Sardanapalle!
 S A R D. Sumite tristitiam miseri sodales
 cucullorum tegmina, plus est hoc quàm ho-
 minem perdidisse, damnum verè plāgitur,
 Quid agitis nunc potentes? quid de thesau-
 ris cogitatis? aurum in cinerem versum est,
 utināmque totum sic fieret aurum, magis
 essemus diuites. M A N D. Depone pau-
 per inane pōndus, lacrimas demus funeri;
 ô fallax thesaure! ne te ego per maria & vē-
 tos sequor, propter te feliciter nauigavi,
 propter te feci omnia, mathesim & magicā
 sum consecutus, ut me sepulti fallerent? a-
 liorum fortunam exposui, fatum ignoravi
 meum: iam iam omnia recognosco, varia
 hæc fantasmata. Erat hic planè bona fortu-
 na, sed alteri debebatur non mihi: nostrā
 hæc mutauere fata, thesaurū nos, sed alic-
 num inuenimus: quænam hæc est peruerfi-
 tas? nunquam ego fleui meum, nunc plan-
 go alienum: & te, Querole, iustus non tan-
 git dolor? S A R D. O crudele aurū! qui-
 nam te morbus tulit? quis te sic rogo adus-
 sit? quis te subripuit magus? Exheredasti
 nos thesaure: quonā redituri sumus tot ab-
 dicati? quæ nos aula recipiet? quæ nos olla
 tuebitur? M A N D. Accede amice, aulam

D. ij.

iterum atque iterum visita. SYCO. Aliā
 spem quærere, amice, poteras, hæc iam non
 calet. MAND. Perlege quæso iterum ti-
 tulum funeris, atque omnem scripturæ fi-
 dem. SARD. Quæso inquam sodes, fu-
 nus egomet quodlibet cōtingere nequeo,
 nihil est quod metuam magis. SYCO.
 Metuculosus homo es tu Sardanapalle, e-
 go perlego. TRIERINVS TRICIPITINI
 FILIVS CONDITVS ET SEPVLTVS HIC
 IACET. Hem me miserum, hem me mise-
 rum! MAND. Quidnā tibi est? SARD.
 Anima in faucibus, audieram egomet ole-
 re aurū, istud etiā redolet. MAND. Quo-
 modo? SYCO. Claustrum illud plumbeū
 densa per foramina diris flagrat odoribus:
 nunquam antehac cōperi aurum sic ranci-
 scere, vsurario cuilibet foetere hoc potest.
 MAND. Quisnam cinerum est odor?
 SYCO. Ille preciosus atque tristis cultus
 quem poscit miser. MAND. Honorifi-
 cè hoc bustum tractatū apparet, cuius ad-
 huc sic redolet dignitas. SYCO. Ego istec
 non pertulissem, si recinenti ac monēti cre-
 didissem graculæ. SARD. Ego in laqueos
 non incidissem, si monita curti seruasssem
 canis. MAND. Et qualiter te admonuit?
 SARD. Egredienti mihi ad angiportum,

furas omneis conscendit. M A N D. Vtinā
tibi crura ipsa eneruasset, ne vnquam inde
mouisses pedem. O Euclio funeste, parū m-
ne viuus illulisti? ne defunctus desinens? &
quid ego non merui qui agelasto illi & per-
fido fidem accōmodaui, & fortunas meās
in ipso risit exitu? S Y C. Heia quid nūc fa-
cimus? M A N D. Quid autē nisi quod du-
dum dixim⁹, vt nos saltē de filio eius Que-
rolo vlciscamur? probè atque illum, quoniā
est credulus, mirificis laudemus modis: au-
lam illi per fenestram propellamus clancu-
lum, vt & ipse lugere incipiat, quē nos iam-
dudum plangimus: pedetemptim accede
atque ausculta, Querolus quid rerū gerat.
S A R D. Consiliū placet. M A N D. Ac-
cede edepol, sed vrbane respice. S A R D.
Attat quid ego video? Omnes nunc intus
homines fustes & virgas tenent. M A N D.
Crede edepol isti malam fortunam exspe-
ctant creduli: accede, atque homines miris
terrifica modis, malam illam dicito esse te,
& comminare tanquam in ædes inruas.
S A R D. Io Querole. Q V E R. Quis tu
homo es? S A R D. Fores celeriter vides.
Q V E R. Quamobrem? S A R D. Vt do-
mum rursus ingrediar meam. Q V E R.
Hem Zeta, hem Pātomale, hāc atque illāc
D. iij.

obſiſtite : abi hinc potiùs mala fortuna quò
te Sacerdos detulit. S A R D. Hem Que-
role! Q V E R. Quid rogo nomen tu vo-
citas meum? S A R D. Ego ſum tua fortu-
na quã reſtiturã prædixit magus. Q V E R.
Abſcede hinc, ego hodie fortunam non re-
cipiam nec bonã. M A N D. Heus tu Sy-
cofanta, ad ianuam ſta, homines ſeuoca, dũ
ego buſtum hoc per feneftras ingero. S Y-
C O. Aperite hanc ianuã. Q V E R. Om-
nes celeriter huc accurrite. M A N D. Ec-
ce tibi theſaurum Querole, quem reliquit
Euclio : talem ſemper habeas, talem relin-
quas filiis. Omnia ſunt perfectã, nos hinc
ad nauem celeriter, ne quod etiam nũc ſu-
bitò hĩc nobis naſcatur malum. S A R D.
Ha ! quid hodie acciderit ſubeundum eſt,
tãtũ recurram huc paululũ, perdidì my-
ſterium, niſi ipſe Queroli verba audio : ho-
mo eſt autem & credulus & formidoloſus
plurimũ, qualiter nunc ille exhorreſcit
mortuum ? ad mouebo aurem hãc leuiter.
hem ! quidnam ego audio, omnes intus gau-
dent, tripudiant, nulla ſpes mihi eſt : auſcul-
tabo iterum : actum eſt, felicitas ad iſtos ve-
nit, nobis ergo nobis malè. Omneis intus
ſaccos, capſas, ſcrinia requirunt, aurum iſti
tractant, ſolidi intus tinniũt. Heu me mi-

serum ! vita erat , vbi nos mortem putabamus esse conditam : errauimus miseri , sed non simpliciter , errauimus & non semel , metamorphosis hîc agitur , bustum abstulimus , aurum abiecimus . Sed quid ego ? nunc solùm hoc restat nunc mihi vt pro fure iam nûc tenear : ibo ad coniuratos meos , ne tantum facinus verùmque funus solus egomet defleam .

L A R F A M I L I A R I S .

IAndem vrna peperit auri grauida pondera , vilisque mater grande puerperium dedit indigna quæ frangeretur , tanta hoc non meruit fides : magna planè aula & memorabilis vno atque eodem tēpore domino fidem persoluit , furtum fecit furibus . O sapiens Euclio , nos iactātes non sumus , thesaurum seruasti viuus , liberaisti mortuus . OMNES ITAQUE HOMINES NVNC INTELLEGANT , NEQUE ADIPISCI NEQUE PERDERE VALERE ALIQUID , NISI VBIQUE FAVEAT TOTVM ILLE QVI POTEST . Quantum ad personā Queruli spectat , perfectā iam sunt omnia : sed Mandrogerontem illum furem ac perfidum nunc illaqueari volo , qui vbi primùm hoc audie-

D.iiij.

rit, remque omnem agnouerit, continuo rediturus est, ut thesaurum diuidat : codicillos etiam proferre audebit, quibus ita coheres scriptus est, si aulā Querolo sine fraude ostenderet. Quid huic merito eueniat, nisi quod iam nunc fiet? ferat quod facere voluit, nam quod fecit nostrum est.

Q U E R O L V S, A R B I T E R, E T P A N T O -
M A L V S. Q U E R O L V S.




Arbiter, iamne credis quod vidisti modo? A R B. Edepol credo & scio. Q U E R. Quid tu Pantomale dicis? P A N T. Quid ego dico nunc fieri ut posthac desinas? Q U E R. Mens mihi gaudio est confusa, quid primū stupeam & gaudeam? cōsiliūne senis nostri, an diuinitatis? A R B. Inprimis bonum diuinitatis: nam si ad hominem respiciendum est, facile intellegitur & apparet furē tibi plus profuisse quā patrem. Q U E R. Quid de memet censes, qui tam tardē agnouerim fragmēta urnæ illius, quam iamdudum noueram? A R B. Ego mihi nō credideram, nisi quod ilicō inspexi locū terrāque motam, ante hoc non credidi. P A N T. Atqui ego nihil dubitationis recepi, ibi in te-

stulis quasdam litteras vidi. QVER. Ergo istæc omnia Mandrogerus ille fecit? A R B. Aut quid fieri aliud potest? QVER. O sceleratum hominẽ, magum mathematicũ qui sese diceret! Egone manibus meis præsidium paternum vt efferrẽ de domo, ego memet domi ne conderetur, ego vt redeunti obuiarem thesauro? hoc est planè illud quod Lar Familiaris prædixit meus, etiã renitenti ac repugnanti ventura mihi omnia bona. A R B. Quàm pulchrè factum est, vt cupiditas falleretur sic hominis fallacissimi! QVER. Credis Arbiter meus, vt nosti mores munificos nimis? munerare hercle possim hominẽ si nanciscerer, ita ridiculè sceleratus fuit, atque ipse sese ludit in omnibus. A R B. Ille quidem, vt scimus, malè meruit perfidus: sed quoniam tibi per illum benè venerunt omnia, omneis illi benè optamus facto, nõ merito suo. QVER. Attat quidnam est? nisi fallor, Mandrogerus ille est eminus, quidnã ille hîc reuenit? nouum credo aliquod præstigium iterum hâc exhibet: abi celeriter intus Pantomale, & fragmenta vrnæ illius hîc ad nos exhibe. A R B. Placet hercle. QVER. O bone Arbiter fraudulento isti magnam iniciamus calumniam, thesaurũ nostrum ab hoc

creptum poscamus modò, atq; adstruamus
ab ipso nobis alienum mortuum esse con-
iectum domi. A R B. Consilium placet.
Q V E R. Propositum ergo retineam. se-
quuntur cætera.

Q V E R O L V S, A R B I T E R E T M A N D R O -
G E R V S. M A N D R O G E R V S.

 Vemi Querole. Q V E R. Etiã
salutas furcifer, quasi hodie
me non videris? M A N D.
Vidi edepol te, visumque iterũ
gaudeo. Q V E R. At ego iã
nunc viuo faciã ne tu iterũ facias. M A N D.
Heo! quid cõmerui? Q V E R. Rogas sce-
leste, qui hodie domum expilasti meam?
M A N D. Missa istæc face, non sum alie-
nus vobis: domum egomet istam iam pridẽ
colo. Q V E R. Iterum ad magicas? aurum
subripuisti hodie meũ. M A N D. Fortas-
sis iure feci, nõ debebatur & mihi? Q V E R.
Pulchrẽ edepol solus exinde hic fui: vbinã
mihi nunc tu frater nasceris & nouellus &
senex? vnde subito tam vetustus, qui nuper
natus non eras? nam si fratrem meũ te esse
adseueres, perditẽ illud nũc restat vt te di-
cas bimulum: nam tertio anno pater meus
ille Euclio cũ est profectus, me hercle re-

liquit solum atque vnicum. M A N D. Superflua sunt ista, coheres ego sum, non frater tibi. Q V E R. Non rectè edepol fieri istud solebat, nam malletm amice, fratrem te quàm coheredē esse asseras. M A N D. Quid multis opus est Querole? quod scriptum est lege: sume igitur, noui fidem vestram. Q V E R. Hercle explorasti: hem! quid istuc est? SENEX EVCLIO Q V E R O L O SALVTEM DICIT FILIO. *Quia furtū tibi met fieri metuerem uel per seruū uel per extraneum quēlibet, Pandrogerontem fidelem amicum, & peregrè mihi cognitum ad te direxi, ut is tibi met quod reliqui sine fraude ostenderet: huic tu medium thesauri dabis, si fides ipsius atque opora expostulat.* Hem! sodes paululum in parte huc ades, nihil huic deberi res ipsa exponit & docet: sed vsquequaque si placet in summam, si libuerit aliquid dabitur muneris. Tu igitur patris mei amicus ac sodalis peregrè fuisti? M A N D. Ipsa res docet. Q V E R. Nimirum inde tam fideliter nobis commissa istæc tace: age amice, quoniā institutus es heres, da quod possit diuidi. M A N D. Edepol inuestigauī, ac dedi integrum atq; inlibatum thesaurū. Q V E R. Heo! tu mihi aliquod thesaurum dedisti? M A N D. Tu negas? Q V E R. Nisi omnia in memoriam redigis, forsitan aliquid ex-

ciderit mihi : quem tu narras thesaurum?

M A N D. Quem tibi Euclio reliquit , ego tradidi. Q V E R. Et aurum ad te quem-

admodum peruenit , homo alienissime?

M A N D. Locabar equidem , fidem equidē postea vt perspiceres meam. Q V E R. Tu

ergo thesaurum & secretum illud quod noster senex dereliquerat abstulisti? M A N D.

Vtique hoc tibi cessit benè : alter enim non reddidisset. Q V E R. Age iam sodes , soluisti satis , restitue potius , veram vt cognoscamus fidem. M A N D. Dis gratias vicine

Arbiter , quòd spes nostra in tuto est : dixin' paulò antè facere hoc nō potuisse extraneum? agimus gratias. Q V E R. Dij te

seruent amicorum optime , qui & mihi superstiti & defuncto illi seruasti fidem : Sed vbinam , quæso , aulam illam condidisti? fiat

planè quod ille præcepit senex , exprome thesaurum , diuisio celebretur , quoniā præ-

stò est Arbiter. M A N D. Immò potius tu aurum exprome & fidem tuam , quoniam

egomet partes explicui meas. Q V E R. Fatigas nos , Mandrogerus , an verè loqueris? M A N D. Edepol verè loquor atque

honestè , nam qui totum habere potui , parrem peto. Q V E R. Ergo inter manus the-

faurus fuit noster? M A N D R. Fuit her-

cle. QVER. Tu nusquam hodie pedem, nisi restitues quod abstulisse te fateris, quia ire inficias non potes. Heia, inquit, restitues quod abstulisti. MAND. Reddidi. QVER. Cui, quādo, quomodo? MAND. Hodie per fenestrā. QVER. Ha, ha, he: tu thesaurum vbi repperisti? MAND. Apud ædes sacras. QVER. Quo aditu extulisti? MAND. Hæc per istam ianuam. QVER. Quid igitur fuit causæ vt per fenestram redderes? MAND. Tu inquam thesaurum illum asportasti foras. QVER. Pulchrè edepol cōditionem codicillorum impleuisti, qua præceptum est vt thesaurum mihi sine fraude ostenderes: veruntamen perscriptionem hanc transeo, qua vti possum, etiam si aurū nunc ipse mihi traderes: hæc superflua sunt, vbi res nusquā apparet, redde quod negas. MAND. O tempora! ô mores! ô pater Euclio! hanc cine mihi tu domi fidem prædicabas? reddidi, fateor, omnesque per Deos, ipsūque thesaurū inlibatum intra ædes proieci tuas. QVER. O Arbiter bone, plus iste admisit, quàm putabamus: hic, nisi fallor, ipse est, qui urnam illam funestam nobis proiecit in domum. MAND. Dij te seruent: ipsam ego proieci, tandem apparet veritas. QVER. Dic,

quæso, Mandrogerus, fragmenta si aspexeris, potesne agnoscere? M A N D. Ita ut cōpaginari per me possint omnia. Q V E R. Hem! Pantomale, nescio quid paulò ante hîc proferri iusseram. A R B. Præsto sunt partes illæ, in quibus titulus inscriptus fuit. Q V E R. Agnoscisne, Mandrogerus? M A N D. Agnosco hercle, tādē cessent artes & præstigia. Q V E R. Si verum agnoscis, lege celeriter quod scriptū hîc fuit. M A N D. Et legi & lego. Cedo hinc mihi, Pantomale, fragmentorum paginas. T R I E R I N V S T R I C I P I T I N I F I L I V S C O N D I T V S E T S E P V L T V S H I C I A C E T. Q V E R. Heo! scelestissime, dispicis? si viuorū neglexisti gratiā, etiāne mortuis manus intulisti ad ludum & ludibria? neque contentus eruisse bustum atque cineres, vltimò per fenestram etiam funestas mihi proiecasti reliquias. Quid adhæc dicis? thesaurum abstulisti, violasti sepulchrum, perditē, domū meam non solū compilasti, verum etiam polluisti, sacrilege: tu negas? M A N D. R. Quæso, quandoquidem me fortuna sic destituit, nihil quæro vltērius: vale. Q V E R. At ego hercle quæro, cui mala omnia congestisti, scelus: Hem, Pantomale, numquam abstoc pedem. Ego iam nunc vbinam Præ-

tor sedeat inuestigabo celeriter, atque omnia istæc exequar iure & legibus. MAND. Quæso, Arbiter, pro me vt verba facias, nihil nisi veniam expostulo. A R B. O mi Querole, numquam te celeriter vsque ad sanguinem: ignosce ac remitte, hæc vera est victoria. Q V E R. Age, reliquiæ illius defuncti reconduntur, quid de thesauro fiet? A R B. Quid dicis Mâdrogerus? MAND. Iuro per Deos, iuro per ipsam quam rupi fidem, mihi nec aurû nec thesaurum esse. Q V E R. Remoue paulisper inania, putemus nos paululum in iudicio stare: Ornam certè illam tu abstulisti. M A N D. Factum est. Q V E R. Elige nunc, Mandrogerus, vtrum voles, bustum illic, an aurum fuit, quandoquidem causa eiusmodi est, vt multis constat modis. M A N D. A V R I B V S T E N E O L V P V M: neque vti fallam, neque vti confitear scio: vtrum dixerò, id contra me futurum video: dicam tamẽ, Aurum illic fuit. Q V E R. Redde igitur. MAND. Hoc iam factû est. Q V E R. Factum doce. Q V E R. Ornam tu recognoscis? Q V E R. Quid vis vt respõdeam? primùm egomet aulam nõ recognosco, satîsne hoc sufficit? M A N D. Quid titulum non recognoscis? Q V E R. Magis quàm te, quẽ

hodie primum hîc noscito : sed finge nunc
 à nobis ornam & titulum recognosci , red-
 de quod in aula fuit. M A N D. Tu autem
 quid in aula, quid fuisse dicis? Q V E R. Ego
 interim non proposui, tu fare quid velis.
 M A N D. Et vos à me aurum quēadmo-
 dum postulatis, cū res ipsa bustum & ci-
 nerem comprobet? A R B. Ergo adquie-
 scis vt bustum illic fuerit? M A N D. Ad-
 quiesco, quandoquidem ita sese res habet:
 hâc nō processit, alia temptandum est via.
 Q V E R. O stulte, sacrilegium confiteris,
 dum furtū negas. M A N D. Quid si nihil
 illic fuit? Q V E R. Quidnam igitur postu-
 las? aurum si fuit, abstulisti : si non sustulisti,
 nō fuit. M A N D. Vos quæso dicite vicis-
 sim quidnā illic fuit. Q V E R. Nobis inte-
 rim sufficit purgare nosmet, obiecta repel-
 lere: nā si te ingredimur,*temptandum via.
 M A N. Quodnam hoc monstri genus est?
 ego totū feci solus, totū nescio : Iamīā quæ-
 so, quoniā mihi neque res neq; causa super-
 est, simpliciter dicite, vtrūmne furtū, an sa-
 crilegium ego commisi: nisi fortè illud nūc
 restat mihi, vt qui furtum non potui, sacri-
 legium neque volui, vtrumque fecisse con-
 uincar nefas. Q V E R. Etiāmne circuitio-
 ne rem geris? quid aliud autem in causa est,
 nisi

nisi quòd præsidium abstulisti, & cineres
abdidisti: vnum fraudulenter, aliud nequi-
ter: neque enim te bustum experisse, aurum
abiecisse credere quisquã potest. MAND.
Optime totũ hoc asseritur, & mihi ipsi ve-
rissimile videtur: sed si quid creditis, non est
ita. QVER. Age iam, bono animo esto,
nil præter sacrilegium perpetrasti, aurum
autem ibi non fuit. MAND. Furtũm igi-
tur nõ commisi: Dij te seruent, vicimus, nã
istoc ego tempore pœnam malo, quàm pe-
cuniam debere: Sed illud quæso exponite,
vnde tantum illic erat? QVER. Nescis,
Magus, nihil esse grauius fortuna mala?
MAND. Recognosco. QVER. Etiam
quæritas vnde pondus? tegmen illius vrnæ
non vidisti plumbeum? MAND. Iam iam
omnia sibi conueniunt, his præstigiis etiam
certus falli non potuisset magus? ARB.
Nondum intellegis inepte, impositum no-
bis esse ab illo quem benè noueras? vnde
autem illi thesaurum homini prope paupe-
ri: ac si habuisset ille: ergo ne iste secretũ ne-
scisset patris, tibi que ille indicaret, quod nõ
crediderat filio? porro autem Paterfamilias
ille thesaurum si sciebat, illi tandem credi-
derat loco? tibi que illic patuisset aditus?
MAND. Edepol quid dicã nescio. ARB.
E.j.

Ergo Euclionem tu nō noueras? habuit senex ille multa hęc lætissima, qui te etiā defunctus ridet. M A N D. Edepol tandem intellego, illius planè hīc nequitiam recognosco, frequenter ille similibus me lusit modis. Quæso igitur date veniam, quòd cineres illos abstuli, aurum credidi. A R B. Benè excusas, Mandrogerus, agnosco ingenium lepidissimum, agnosco planè Euclionis nostri sodalem, talem semper ille dixit senex. M A N D. Sinite quæso me abire. A R B. He! Querole, humanum ac misericordem semper fuisse te scio: hominem tā elegantem abire ne permiseris, non vnus officij homo est: magum mathematicūque hīc habes, tantū, quod primum est, furtum facere non potest: recipe quæso amicum veterem & nouum, quādoquidem pater Euclio solum hunc tibi reliquit in bonis. Q V E R. Hæsed furem timeo. A R B. Quid vnum furem metuis? iam totum hic abstulit. M A N D. Quæso, Querole noster, patri egomet tuo me iam deuoueram, tibi nunc seruire cupio, quandoquidem hodie sic misertus es mei: da victum qui vitam indulxisti. Q V E R. Si ambo ita voltis, fiat: potēsne discere leges nouas? M A N D. Ha, ha, he, illas egomet ex parte condidi.

QVER. Senatusconsultum dico egomet Seruilianū & Parasiticum. **MAND.** Oe, vísne interdictorum capita iam nunc eloquar? Ad Legem Porciam, Caniniam, Furiam, Fusiam, Consulibus Torquato & Taurica. **QVER.** Potésne obseruare omnia? **MAND.** Istud apud me paruum est, tu nunc vt ediscam iubes, ego docere iam volo. **ARB.** Huius multarum palmarum hic est: recipe, quæso, iura instructissimum, talem quærere homines pro magno solent, **QVER.** Quoniam ita vultis, fiat: sed vbi nam illi sunt socij atque adiutores tui?

SYCOFANTA, QVEROLVS. SYCOF.



Osq. præsto sumus, ô parens ac patrone. **QVER.** O Sycofanta, ô Sardanapalle, hæc vestra est religio: sed causas iâ hic præstitit, vos abite quolibet. **SYCO.** Et nosmet scimus, Querele, quoniam **TRIS EDACES DOMVS VNA NON CAPIT:** verum quæsumus viatici nobis aliquid vt aspergas, quoniam spem omnem amisimus. **QVER.** Viaticum ego vobis quonam pro merito? **SYCO.** Nos cū Mandrogeronte huc venimus. **QVER.** Digna causa, mercedem vulnerum victus
E.ij.

accipiat Parasitus . In conuiuio si fuerit veste discissus, à rege conuiuij duplâ mercedē reparationis accipiat . De liuoribus in quadrantem solidi illius , de tumoribus in trientem pœna transibit: quòd si & tumor fuerit & luor solidi vnus , bissem iure optimo cōsequetur. vnâ verò vnciâ aposiæ, hoc est excoctionis, contēplationis cōcedimus. Placuit autē vt etiam de plagis & vulneribus infixis summo strepitu criminali amicorū prætetur inspectio, ita vt dodrantem solidi nec inspicientum gratia, nec largientis excedat humanitas. In loxu autem & ossibus loco motis , vsque ad deuncem solidi iniuriarum commodum placuit extendi : Iam porrò de ossibus fractis placuit conuenitq; , vt in minutalibus, solidus , in principalibus verò ossibus , argenti libra protenus traderetur: quæ autem vel principalia videri ossa debeant, vel minuta, medicorū tractatus inueniat. Si autem Parasitus amplius quàm p̄finitum est postularit, plus petiti periculo stranguletur . Rex conuiuij iniuriarum merita etiam voluntariis decertationibus cogatur exsoluere , ita vt premium criminosi, mercedem trapseat vulnerati : Intantum autem Parasitis consuli iura voluerūt, vt si vulneribus afflictus contestata lite de-

fecerit, heredibus eius paterni laboris ac meriti præmia non negentur: quòd si Parasitus quamvis tractatus incommodè, tamen de malis suis intestatus occiderit, heres agere non poterit. Qui causas mortis nō reddiderit, insepultus abiiciatur. Et hæc omnia sic constituimus, quasi inter hominum liberorum & æqualium lasciuiēs turba defæuiat: nam si à patrono vel seruo patroni Parasitus contra leges pertulerit iniuriam, habebit fugiēdi liberā potestatem.

QVEROLVS, SEV AVLVLARIA
PLAVTI EXPLICITA FELICITER.



DE AVCTORE.

DE AVCTORE huius comœdiæ, cur ea Plauti nomen præferat, quo tempore conscripta sit, paucis disquirendū est. Accium quidem Plautum non esse facile stilus arguit, & aperte profitetur auctor ipse in prologo, ubi hanc comœdiam per vestigia Plauti inuestigatam esse ait. Verū fieri potest, ut auctori nomen Plauto vel Plantio fuerit, nec adulterina sit inscriptio, quomodo antea plerisque fefellit sæpe communis error ex nominum similitudine atque adfinitate natus: magis tamen puto Accij Plauti veteris Comici nomen esse, atque ab imperitis librarijs adiectum, aut ab ipso auctore adoptatum propter argumenti studique comici similitudinem, vel parodiam. Sic enim incerti cuiusdam auctoris Solinum imitantis opus nondum euulgatum penes me habeo, cui pro indice Solini polyhistoris nomen præscriptum est. Nemo verò ignorat quod A. Gellius & Macrobius admonent, Plauti comici fabulas incertas & ambiguas semper fuisse, unde facile est suspicari hanc ipsam ei potius quàm alij cuiquam adscriptam esse, cum præsertim dubitatio audendi facultatem, atque etiam auctori reticendi sui nominis occasionem daret. Vero enim simile est, quisquis tandem auctor ille fuerit, quoniā totam penè fabulam versu satyrico descripserat, ne invidiam sibi pareret, nomen suum alieno supposito non adscripsisse.

De tẽpore nihil adeo certi adferri potest. Quod si coniectu

ris est locus, Theodosii temporibus aut proximis scripta, duabus de causis arbitror: primum quod stilum Theodosiani seculi maxime redolet, deinde quod ad Rutilium inscripta est, si modo is sit Rutilius, quem seculo Theodosii fuisse constat, ut de illo optime conycere mihi videor. Sed ut hæc sunt coniecturæ duntaxat, quæ temporis suffragio fortasse confirmari poterunt, sic in iis probandis minus laborandum esse duxi. Non erit autem superuacuum ea hic adiicere, quibus & antiquam fabulam, & apud antiquos commendabilem fuisse ostendemus: Profert enim huius locum Ioannes Saruburiensis Anglus lib. 2. Polycratici, siue de nugis curialium & vestigiis philosophorum cap. xxv. auctor mea sententia non aspernandus, qui ante annos prope quingentos fuit: Præterea eiusdem fit mentio in vetustissimo libro glossarum, quem mihi una cum hac comædia suppeditavit amplissima fani Benedicti Floriacensis ad Ligerem bibliotheca, quod olim celeberrimum & primum totius Galliae collegium fuit. Denique non ita pridem incidi in quoddam vetustum fragmentum ex Compendensium Franciscanorum cœnobio, atque etiam nuperime in antiquissimum codicem manu exaratum S. Victoris Parisiensis, in quibus plurimas sententias huius fabulae excerptas, & in unum collectas repperi, atque hæc omnia sub Plauti nomine in Aulularia. Potuisssem & multa eiusmodi fragmenta huius fabulae præcipue è codicibus manuscriptis petere, si mihi diligentius inuestigandi liberum fuisset otium. Ceterum hæc studiosis, quibus otii plus est, ut in eo se exerceant, disquirenda relinquitur: his autem viam sternimus, animos augemus, adque id sedulo peragendum etiam atque etiam rogamus.

PETRI DANIELIS AVRELI
NOTAE IN QVEROLVM PLAVTI.

Pag. 1. Rutili.] Hic adhuc ambigimus, sitne Rutilius Claudius Numatianus Gallus, & Poëta elegans: est enim tantum coniectura, quæ tamen nititur orationis tenore sæculi Theodosij redolentis. Itaque liberum esto iudicium.

Venerande.] Sic Virgil. in Culice, *Octavi venerande.*

Das honoratam quietem.] Hic initio liceat antestari, nos locutiones ipsas atque etiam vocabula, cum usus venerit, ad stilum Theodosiani temporis quam fieri poterit sedulo esse relatu-ros, ut illius sæculo scriptum fuisse hoc opus cõvincamus, ne quis fortè putet à nobis quomodocunque paginam impletam: ut hic, *dare honoratam quietem*, pro quo, *donari quiete honoratissima*, in L. xv. de decurionib. lib. x i i. Cod. Theodos.

2. *Odoribus insuper infusis.]* Ex veterum more, qui monumenta odoribus perfundere solebant.

Tituloque extra addito.] Hic titulus pro inscriptione monumenti: atque hoc etiam admonuit me Bar. Brissonus celeberrimus in Senatu Parisiensi causarum patronus, idemque veteris memoriæ peritiss. i. c. quod his locis confirmavit, Iuvenalis lib. 2. Sat. vnica,

Sic crescit numerus, sic fiunt octo mariti,

Quinque per autumnos. titulo res digna sepulchri.

Silij lib. xv,

Dum cineri titulum memorandæque nomina bustis

Præten- dit. & paulò post,

Quid virtute viri titulis decorare sepulchrum

Ingentis bello liceat.

Solebant autem plerumque illis titulis siue inscriptionibus, & nomina defunctorum, & vitæ tempora contineri, quod hîc obseruatum non est: Sic enim habetur infrà, **TRIERINVS TRICIPITINI FILIVS CONDITVS ET SEPULTVS HIC IACET.**

Tacita scripturæ fide.] Id est, non exposito vnâ titulo, in quo fraus erat, ne secretum thesauri Parasitus sciret. vnde infrà, pag. 52, Parasitus ipse sic loquitur, *Perlege quæso iterum titulum funeris, atque omnem scripturæ fidem.*

Fidem accommodat.] Fidem accommodare, infrà pag. 55, *qui agelasto illi & perfido fidem accommodant.* & apud Iuriconsultos frequenter inuenitur, vt in L. XLIII. D. de vulg. & pupill. substitutio. l. x. & XI. D. De his quib. vt indign.

3. *Per fenestram protulit.*] Fortè propulit, vt infrà pag. 53, *aulam illi per fenestram propellamus clanculum. Perdidit.*] leg. prodidit.

Violator.] leg. violati.

Inlustris.] Sic in v. cod. sed quis non videt tertio casu legendum esse, *inlustri*, vt nomen illius ad quem scribit auctor hic, non libellū suum laudet.

Vobis.] leg. vos, vt referatur ad spectatores.

Nostros.] leg. noster, vt sit noster sermo poëticus: nisi malis nostros pro nostrus: nam & veteres nostrus dixerunt. Literæ autem o & v, veterum Græmaticorum testimonio, eam inter se adfinitatem habuerunt, vt sæpenumero inuicem sibi cederent: vnde multas voces antiqui modò per o, modò per v pronuntiarunt, quemadmodum in hac fabula, orna, Querolus, saluos, fortuna, furtuna, adulescens, & poto pro puto.

4. *Cum clodo pede.*] Hic auctor sermonem suum paulò antè poëticū, vt re vera est, appellat, sed neque accuratam, neque certam pedum legem numerosque obseruasse (quod mihi adfirmavit Georg. Buchananus vir doctiss.) certissimū est, idque illum hīc ingenuè profiteri credo, intelligens per clodum pedem orationem solutam, quam tamen Apuleius prorsum pedem vocat, id est rectum, in quo diuersis & penitus contrariis nominibus idem significatur.

5. *Partem contentus fuit.*] Sic in v. cod. scriptum est, at emendandum, parte qui contentus fuit.

7 C V I B O N O.] Vtitur hac formula pag. 22, *fures mihi ac prædones C V I B O N O* .i. cuius gratia, & ad cuius bonū. sic explicat Priscian. ad extremū lib. x v i i i. Græci *πυρς ἀγαθόν*, vt idem auctor ex Platone in Epitaphio confirmat. Est autem scriptum in archetypo, *cui bono tot hominibus*: sed tamen altera manu, vt apparet, postrema duo illa verba, quæ ad oram versus erant, proximis adiuncta: vt faciliè suspicer adnotationem esse cuiusdam studiosi, qui putarit cui bono, esse cuique homini, id est, plerisque bonis hominibus. Errauit autem, & Calsij verbum est, qui semper quærebat cui bono, creberrimum apud Ciceronem.

Hæue.] Antiqua est scribendi ratio, pro quo nunc auc dicimus sine aspiratione.

Mesanthropus.] Vt omnino erat in v. cod. expressimus, sed legendum misanthropus.

8. *Nusquam hodie pedem.*] Sic infra pag. 61, *Tu nusquam hodie pedem.* & 62, *nusquam abstoc pedem.* ex Te rent. in Adelph. *nusquam pedem.*

Mysterijs.] Hoc verbum variam habet significatio-

F. iij.

nem in hac fabula. pag. 33, *myſteria ſunt in aditu diuerſa & occulta.* 34, *myſterium hoc iam diſplicet.* 35, *myſterium de religione faciunt.* & 54, *perdidi myſterium.*

Siminudus dealbatuſque.] Viderur ad morem Druidum alludere, qui in ſuis magicis myſteriis dealbati & pedibus nudis ſpectabantur.

9 *Satis aliſque multis deſenſorem.*] Apparet in arche typo *que* coniunctionem additam eſſe, quam tamen agnoſcit cod. S. Victoris, niſi quòd, pro *satis*, habet *tibi*: ego verò putò legendum, reiecta tantum adneciua particula, *satis alijs multis deſenſorem*, id eſt, idoneum & ſufficientem deſenſorem: hoc enim valet dictio *satis*.

Aſſertio.] Aſſertiones olim neceſſariæ erant cum de ſtatu litigabatur.

10. *Furtum.*] Furta capitalia hîc facit, quomodo apud maiores erant ante pœnam quadrupli, vt ſcribit Seruius Honoratus in lib. VIII. *Æneid.* & poſt eum Iſidorus.

De falſo.] Hîc quoque capitale mendacium, quod falſum appellat.

De adulterio.] Adulterium capitale vt hic, olim non erat, ſed hoc temporibus Imp. abrogatum eſt.

12. *Erumnoſus.*] Sic in v. cod. ſcriptum per e ſolum, quomodo ex Ennio ſcribi poſſe Charifiuſ tradit, quòd mentem eruat, vel per æ, quòd mœrorem nutriat. Feſtuſ tamen per æ ſcribendum adfirmat, à Græco *αἶψα*, quod eſt tollere.

In omnibus.] Vtitur & hoc loquendi genere paulò poſt ead. pag. *tu nos ornas in omnibus.* & 23, *vt quærolum te conſtaret in omnibus.* & 57, *atque ipſe ſeſe laſte in omnibus.*

Quid si sapiens.] Cod. s. v. Quòd si sapiens.

13. *Nemini te nimis sodalem feceris.]* Dictū est prius à Martiale lib. xii. Epigr. ad Iul.

Si vitare velis acerba quædam,

Et tristes animi cauere morsus,

Nulli te facias nimis sodalem.

Res nimium.] Viderur hic totus sermo esse Queroli vsque ad hæc verba, *quid placeat.* ideòque Laris persona necessariò postea interponenda est.

Hoc mecum.] Vide num potius, hoc malum.

Quantum adiciunt.] Cod. s. v. quantam adiciunt.

14. *Stultitiam, negligentiam.]* Iuuenal. lib. i. Sat. 3.

Nihil habet infelix paupertas durius in se,

Quàm quòd ridiculos homines facit.

Parasitus in Sticho Plauti, *Paupertas fecit ridiculus forem.* & Horatius. lib. 3. carm. pauperiem opprobrium vocat.

Somnium.] Cod. s. v. habet sōpnum.

Adsignantur.] Cod. s. v. adsignatur

Suscensēsne.] Ita v. exemplar, & rectiùs quàm quod succenses nonnulli scribunt, quomodo suscipere non succipere dicimus.

Facilem.] fortè felicem.

Tibi est.] In v. cod. es legebatur in secunda persona, pro quo terrià ipso sensu dictante reposuimus.

15. *Nunquid.]* Responsio est Laris familiaris, qua solatur & admonet Querolum, ita vt notæ eius nominis, quæ mox sequuntur, huc transferendæ sint: facile enim transpositæ sunt versuum proximitate.

Consortes.] Nō fratres, sed vicinos in eodem fundo significat, quomodo in vtraque significatione hoc nomen reperitur.

Ecce rem verè malam.] Res verè mala vicinus malus, Hesiodus ἐν ἔργῳ,

- πῆμα κακὸς γένεται.

16. *Facimus.] leg. faciamus.*

17. *Placeat.] leg. placet.*

Ferrum excipere.] Id est, iugulum aut latus ferro præbere, non contrahere collum, nullos impetus, nullos ictus reformidare, quod est hominis fortis & magnanimi. Cicer, pro Sestio, Ipsum verè quid accusas? num defuit gladijs? num repugnauit? num, ut gladiatoribus imperari solet, ferrum non recepit?

18. *De robore.] Id est, in quercubus, & Druydas intelligit: Nihil habent Druydes, ait Plinius lib. x v i. cap. vlt. visco & arbore in qua gignatur, si modò sit robur, sacratius: iam per se roborem eligunt lucos, nec vlla sacra sine ea fronde conficiunt, ut inde appellati quoque interpretatione Græca possint Druydes videri. Sic & hodie Iudices vlmicolæ haud absimili figura loquendi appellantur, quia sub vlmis ius dicant, vulgò iuges sous l'orme.*

Scribuntur in ossibus.] Quid si legas, scribuntur ossibus, nec certè absurdum videtur. Refert enim Isidor. lib. v i. Etymolog. cap. v i i i. Græcos & Tuscos primum ferro in cæris scripsisse, postea Romanos iussisse, ne graphium ferreum quis haberet: vnde & apud scribas dicebatur, Cæram ferro ne cadito: atque adeo institutum esse, ut in cæra ossibus scriberent, sicut indicat Atta in Satyra, dicens,

Vertamus vomerem in cæram, mucronéque aremus osseo:

Et Titinnius apud Charisium,

Velim ego osse arare campum cærenum.

Et Varro, osse scribebant.

Patus.] Ita in v. exemplari omnino scriptum est *patus*, quæ dictio barbara diuitem significat, vt obseruauit Hier. VVollius apud Nicetam in Alexio Duca vbi legitur: ὁ πᾶς καὶ πλεῖστος ἄνθρωπος, ὁ ἐπὶ τοῦ πᾶτος τὸ πλεῖστον, καὶ πλεῖστα ἀγαθὰ ἀνθρώπου. Sic enim vir ille doctiss. ex vetusto cod. diligenter adnotauit. πᾶτος] πᾶτος. Neque tamen prætereundum est, quod in antelato vetustiss. lib. glossarū *patus*, id est, *pacē* tenens expositum repperi: & hanc interpretationem secutus est Papias in suo Lexico, sed vt ineptam, ita ἀπὸ τοῦ διόνυσου facile crediderim.

Sic nostra loquitur Græcia.] Iam dubium nō est quin hic locus debeat intelligi de Druidibus: sic veteres Galli, Plinio teste, Magos suos appellabant: fuere enim illis familiares literæ Græcæ, & in publicis rebus priuatisque rationibus iis utebantur, vt scribit Cæsar lib. v I. Commentar. de bell. Gall. quod Strabo. 4. Geographi. iisdem penè verbis commemorat. Et illud est omnino, quod Druidas posteris suis tam sacra quàm ciuilia instituta Græcis versibus reliquisse nonnulli tradunt, atque adeo Græci sermonis vestigia in idiomate Cambrico adhuc remanere confirmant.

Togatus.] Togatum appellat quem vulgò aduocatum, seu causidicum dicimus, atque ita accipiendum infra pag. 46, *vinat ambitor togatus.* & è contrà, *extogatus* ead. pag. qui amplius non est causarū patronus: quo sensu reperitur sæpissimè in cod. Theodos.

Nyn'.] Pro nunc ommissa vltima litera, vt etiam infra pag. 40, non' pro nunc. *mene quasi ex cōsilio non' solum fore?* Hoc enim fieri potuit adfinitate literarum o & v.

Refluos carceres.] Hoc verbum *carceres* deest in cod. s. v. & rectè.

Aestum vestitis genibus.] Cod. s. v. habet, *aestum vestitum genibus*, sed mendosè, vt mea est sententia. 19. *Cancros in tubulis age.*] Id est, in aestu locis angustis & calidis vttere, hyemes enim & cancros opponit: est autem metaphora in tubulis, quia sunt angusta foramina quibus fumus exit, vt infrà pag. 46, *vtaturque in aestu tubulis angustis & nouis.*

Iudicis conuiuium.] Sic etiam infrà pag. 46, togatum conuiuatorem iudicum appellat.

Primum.] Id est, primulum seu matutinum.

Iras loca.] Sic de cauidico Seneca in Hercul. furèt.

Hic clamosi rabiosa fori

Iurgia vendens improbus, iras

Et verba locas.

Efferre.] *ἀάπτειν*, efferre enim propriè dicitur de mortuis, vt Græcis *ἐκφίπειν* & *ἐκκομίζειν*.

Chartas agunt.] Tabellarios intelligit: chartas enim agere dicuntur tabellarij seu tabularij in l. 1. De tabular. holograf. i. censualib. scrib. lib. v 11 1. cod. Theodos. quos rectè appellari puto chartularios. *Ratiocinator eruditè.*] Non sine causa ratiocinatorè eruditum in chartis agendis requirit, quòd tabulariorum præcipuum munus incumbit ratiociniis scrutandis, ex quibus malè tractatis, mala multa depèdent. eruditus autem pro eruditè habet cod. s. v. quod magis placet.

Podagram Titi.] Quis sit hic Titus nescire me ingenuè fateor. Alludit autem, nisi fallor, ad vulgare verbum, Pecuniosos podagra laborare: quod Aristoph. scholiastes notat in Pluto, ad hunc versum,

• παρ' αὐτῶν μὲν γὰρ ποδάγραντις.

οὐδ' αὐγρῶν τις γὰρ, inquit, τοῖσ' τοῖσι οἱ πλεῖστοι γίνονται καὶ
τ' τρυφῆς, ὅπερ ἀσιγίας καὶ φαυλότητος διανοητικῶν ὄντι.

20. *Habes nunc planè tota mente quod rogas.*] Sic ille,
-*habes tota quod mente petisti.*

Paphiè, Cytherè, Breseidè.] Sunt hæc nomina Veneris
accōmodata scortis. sic Hor. amicā Phrynē vocat.
Cum pondere Nestoris.] Pondus est genitalium, vul-
gò grauidinem appellant, à gravitate oneris. Augu-
stin. lib. ult. de ciuit. Dei cap. v 111. *quidam ab infor-*
mi pondere genitalium saluus effectus est. Iuuenalis her-
niam appellat lib. 2. Sat. vnica,

-*quibus iam incendi frigidus æuo*

Laomedontiades, & Nestoris hernia possit.

Arnob. lib. aduersus Gent. v 11. *ingentium her-*
niarum magnitudine ponderosi: Et Moses Leuit. cap.
x xi. vbi describit quales deceat esse ministros
Dei, *Nec acceder, inquit, ad ministerium Dei si fuerit pon-*
derosus: ita enim habet antiquus quidam interpres
in veteri codice manuscripto, pro quo vetus ver-
sio herniosus. Hernia igitur pondus dicitur pro-
pter rupturam pōdere factam, cū intestina rupta
tunica descendunt in vesicam. Pondus etiam pro
testiculis vsurpauit Catullus,

Denoluit ipse acuta sibi pondera filice,

Et Martial. lib. v 11. Epigr.

Indaum nulla sub cute pondus habet.

Idcirco testiculos bilibres appellat Iuuenalis lo-
co mox citato. Ouidius autem pro pondere onus
inguinis dixit lib. 4. Fastorum.

Disputatione.] Forè legendum disputatione: nisi ma-
uis nugas & gerra intelligere, à verbo dispuo; aut
disputatione, id est despectione, ἀποπτύσει.

21. *Vobis.*] Cod. s. v. habet, nobis.

Quantum.] Cod.s.v.at quantò.

Inesse felicem finunt.] Inesse pro non esse accipien-
dum est : aut sic emendandum , an esse felicem fi-
nunt? Cod.tamen s.v.habet, *esse felicem non finunt.*

Ex transuerso.] Cognationis gradu, id est, ex trans-
uersa linea , Græcis, ἐκ πλαγίου.

22. *Præsidij.*] Id est, aliquid argenti quod præsidij
causa sepositum sit , propriè peculium appellatur:
pecunia enim sine peculio fragilis est, & peculium
semper est maximum præsidium. sic infra pag. 57,
Egône manibus meis præsidium paternum ut efferrem de

domo? & 65, præsidij abstulisti , & cineres abdidisti.
Reperitur & ea significatione in formula qua-
dam Marculphi, PER HANC EPISTOLAM
TE DVLCISSIMAM FILIAM MEAM
CVM GERMANIS TVIS FILIIS MEIS
LVCIO, ET SEIO IN OMNI HEREDI-
TATE MEA AEQVALEM, ET LEGITI-
MAM HEREDEM ESSE CONSTITVO,
VT TAM DE ALODE PATERNA, QVAM
DE COMPARATO, VEL MANCIPIIS
VEL PRAESIDIO MEO VEL QVODCVN-
QVE MORIENS RELIQVERO, AEQVA-
LEM CVM FILIIS MEIS GERMANIS
TVIS PORTIONEM ACCIPIAS.

& apud Plautum in *Perfa*,
Marsupium habeat, inibi paulum præsidij. Atque e-
tiam, si benè memini, aliquando legi impartire
præsidium .i. argentum.

Obscuris vera innoluere.] Ex Virgil. lib. vi. *Æneid.*
cùm de Sibylla loquitur,

-obscuris vera innoluens.

Egeris, gesserisue.] Agere, gerere, rectè distinguit La

beo in. L. XI X. De verb. significatio.

24. *Vulcanosa.*] Fures à furno rectè describit. Vulcanosa, id est, noctivaga: sic enim Horat. noctem definit lib. I. Odar.

-dum graecis Cyclopyum

Vulcanus ardens visit officinas.

26. *Aurum illud.*] In v. cod. legitur, *aurum illum*: sed quomodo possit coherere non video.

AEdiculam.] In v. cod. legitur, *ædiculum*.

Ex diverso.] Id est sinistra parte, ut suprà pag. 6, *hominem è diverso audietis.* & infra 39, *Ut ingrediaris sacrum è diverso.*

27. *Iliginis foribus.*] Ob firmitatem & crassitudinem ilicis dixit: Græcis enim *πεννὸν* durum & solidum significat.

Inermes regulæ.] Id est, claustra non hamata.

Cubilia.] In v. cod. legitur, *cubila*.

Inrectè] Quid si legas, an rectè per interrogans? ut suprà pag. 21, in verbo inesse: nisi mauis inrectè, pro rectè, ut inante, pro ante apud Propertium: nam sæpè (in) articulus *ægrèdendus* augendi causa adiicitur, ut notat Festus in verbis Clutum, & In. Fortè Mádrogerôtis verba sunt, ut index nota M. prima litera eius nominis pro (in) reponi debeat.

28. *Gesseris.*] In v. cod. gesserit scriptum erat, quod vitium librarij esse puto.

Symul.] Ita in v. exemplari, pro simul: ut etiam infra pag. 32. *effygies*, pro effigies, & *metuculosus*, pro quo nunc meticulosus: quanquam à metu metuculosus dicere malim, ut in manuscript. cod. Prisciani ad extremum lib. I I I. & certè in omnibus antiquis monumentis non aliter scribitur. sic quoque infumum, proximum, optimum, postumum,

30. MANDROGERVS.] *A'πi τ' υμῶν, & χῆρ*
id est, senex spelunca, idem quod *ἀρχαῖα καὶ χῆρα*: quia
enim senior, hic primus & pater omnium: forte
Mandragogerus scribendum fuit, à mandragora
quam gerere dicuntur isti homines qui se omnia
diuinare posse adfirmant. Vulgò dicitur, & corrupto
à barbaris & ignaris vocabulo, *mandeglaire*,
aliàs, *mandegore*: obstat verò quod hic auctor non
Mandrogerū, sed Mandrogerontē perpetuò dixit.
Præterita edicit, tum de futuris disserit.] Magus per-
fectissimus est, qui præterita ab omni memoria
edisserit, & futura certò prænuntiat.

Ipsud.] Nouè & inusitatè dictum: nam ille, iste, is, illud, istud, id neutra faciūt, Ipse tantum, quia ipse antiqui dicebāt, vt etiam in Comœdiis veteribus inuenitur, neutrum habet ipsum. Ipsud autem in vsu non esse, omnes quotquot sunt veteres Grammatici consentiunt, vt potiùs videatur hæc dictio noua & affectata contra ipsorum regulas: fortè ipsud pro *istud* librarius scribendo errauit.

32. *Obsecundat.*] Id est, officia præstat: quod verbum frequens est in Cod. Theodos. vnde in iure dicuntur obsequia liberorum & libertorum.

Digitized by Google

matici κορυμνοκέφαλοι & παύδοφους appella'ant.

Intueare.] fortè leg. mitigare.

Cynocephali truces.] Notat quorundam impudentiam cynocephali nomine: de cuius truce & implacabilè natura multa Diodor. lib. 1111. biblioth. Cresias, Agatharchides, Ælian. de histo: animal. & Solinus. Ister verò de iis ita scribit, *in Munitia insula septentrionali sunt cynocephali, & minù. famosa indagatione scrutans, capita eorum capitis canini habere similitudinem repperi: reliqua membra humana specie, manus & pedes sicut reliquum genus humanum, procera statura, truculenta specie.*

Nec visu faciles, nec dictu affabiles.] Apud Virgil. lib. 1111. Æneid. effabilis legitur, vbi Polyphemum describit,

Nec visu facilis, nec dictu effabilis ulli.

Sed Accius in Philoctete, à quo sùpsit Virgilius,
Quem neque tueri contra, neque affari queas.

vt est apud Macrobiū lib. v. 1. cap. 1. Hic verò ita à dispositione syderum euentuum necessitatem ingerit huius auctor fabulæ, vt illos sale satis vrbano eleganter adspergat, qui visum exercent in contemplatione eorum quæ visum fugiunt, & interpellant eos qui loqui dedignantur. Hæc Sarisburiensis in hunc locum.

Atomos in ore voluunt.] Addit Sarisburiensis, Et cùm atomos in ore voluant, verendum est ne si atomus genethliaco intercidat, in excipienda sententia cœlestium labatur.

33. *Transferri messes.*] Alludit ad carmen Virgil. in Pharmaceutria,

Atque satas aliò vidi traducere messes.

Vbi Seruius hoc magicis quibusdam artibus fie-

ri notat. Vnde est in x i 1. tab. *Nēue alienam segetem pellexeris.* Leo Nouell. Constit. l x v. De incantator. pœn. appellat huiusmodi excantationem seu veneficium de melsibus, *ἡ εξαρκία τῶν ποσειδάων καὶ καρπῶν*, quæ & *ποσειδία* dicitur, à nonnullis *κακουργία* nomine paulò generaliori.

Istis licet.] Apertè veneficij insinuat hoc genus hominum, quicumque sint isti.

Quod.] Leg. quot.

Obaudire.] Obaudio, vt in v. lexico manuscripto repperi, id est malè audio, vel contrà inuenitur etiam pro obedio, sed rarè. At Festus, *obedire, obaudire*, quomodo hîc accipiendum est, & rectius esse puto.

Arpyiæ.] Librarii errore factum puto vt in v. cod. pro arpyiæ, arpigia legatur: & infra pag. 36, *Arpigias* pro arpyias, in eoque facilè peccasse propter similitudinem literarum g & y, quæ in vet. lib. sæpè eodem penè modo sunt efformatæ.

Nocturnæ striges.] Horat. lib. epod. dixit nocturnā strigem. Isidor. lib. v i 1. Etymolog. cap. x i 1. *Strix nocturna avis nomen habet de sono vocis: quando enim clamat stridet. de qua Lucanus,*

Quod strepitus bubo, quod strix nocturna queruntur. Harum elegans descriptio extat apud Ouid. lib. vi. Fastorum.

Ariolorum longè fallacissimi.] Alludit ad notam satis historiam de Gallis, quorum ascensus in capitolium canibus dormientibus anserum clamore proditus est.

Alas quatiunt diris cum clangoribus.] De harpyis Virgil. dixit lib. 4. *Æneid.*

Arpyiæ & magnis quatiunt clangoribus alas.

Tullius.]

Tullius.] In oratione pro Sex. Rosc. Amerino.

35. *Proteum.*] De Proteo Virgil. lib. 1 1 1 1. Georgic. Homer. ὀδυσ. α. In veteri autem cod. aspiratio erat in penultima syllaba.

Vela & limina.] Pendebant enim vela in foribus templi, sicut in Exod. cap. x x x v 1 1 1. & Numer. 1 1 1 1. mentio fit: quod etiam post aduentum Domini aliquo temporis spatio in quibusdam Ecclesiis receptum est, ut constat ex ea contrétione quæ inter Epiphanium & Chrysostomum fuit de velo dilacerato: sic enim Epiphanius ad Ioannem Episcopum Hierosolymitanum, *inueni ibi velum pendens in foribus eiusdem Ecclesia.* Sed & prophana- rum quoque ædium ianuis vela obtendebantur: Lampridius in Heliogabalo, *obiectūque veli cubicularis, quod in introitu erat cubiculi se texit.* Seneca lib. x 1. Epist. *Non crepuit subinde ostium, non allenu- bitur velum, licebit vno vadere:* sic enim habent vet. codices. Iuuenal. lib. 2, Sat. vnica,

Ornatas paulò ante fores pendentia liquit

Vela domus. & lib. 3, Sat. vltima,

Vela tegant rimas, iunge ostia.

Sidon. Apollinar. lib. 1. Epistol. *sicque pro foribus im- murmurat exclusa velis.* & lib. 1 1 1 1. *cilicum vela forti- bus appensa,* de quibus Iurisconsulti in L. x 1 1. D. De instruct. vel instrum. leg. & L. x v 1 1 1. D. De actionib. empt. & Imp. L. 1. De off. rect. pro- uinciæ lib. 1. Cod. Theodos. *Non sit venalis indicis ve- lum, non ingressus redempti.* Græcis παρὰ πύλαςμα di- citur. Sudas, παρὰ πύλαςμα, παρὰ κάλυμμα, παρὰ πύλα- μα, τὸ λεγόμενον βῆλον. Velum enim, quod obiectu suo interiora ædificiorum velat.

Alui des.] Ut aliquid hoc loco deesse suspicer, fa-

G. i.

cit quòd in idiographo vacuus est vnus & alterius literæ post antepenultimam locus, atque ideo asteriscum adscripsi. Fortè *alui grandes*, aut, quod multò rectius videtur, *alui desides*. quidam vir doctissimus nuper suspicabatur legendum esse, *auida* & quòd sequeretur, *panda manus*.

Æditui custodésque.] Cicero de signis, *Fores ædis effringunt, æditui custodésque maturè sentiunt*. Æditui autem erant quibus data erat procuratio templi, & in eo vigilias noctu agebant: veteres autè æditum, recentiores ædituum dixisse Varro testis est lib. i. de re rustic. vbi etiam ædilem pro ædituo siue æditimo vsurpat: quamuis idè lib. v i. de ling. lat. scribit, illum qui curat ædeis sacras, ædituum, non æditum à quibusdam dici.

Ecuba postquam facta est canis.] Id est, querula & iniuriosa anus, quæ Vlyxi addicta lachrymosæ post funera Troiæ, intemperantem iram & dolorem quasi desperata virulētis in hostes maledictis bacchando exerceret, scilicet quòd immōdica illa cōuicia & linguæ rabies, nihil magis quàm canis rictū argueret. de quo Ouid. lib. x i i. Metamorp. Dict. Cretens. Euripid. in Ecuba, Plautus in Menæchm.

Hecuba

Omnia mala ingerebat, quem quem aspexerat,

Itaque adeo iurè cœpta appellari est canis.

Anubi latranti Deo.] Virgil. lib. v i i i. Æneid.

Omnigenūque Deū monstrā, & latrator Anubis:
Vbi Seruius Honoratus, *latrator*, inquit, *dicitur, quia capite canino pingitur: hunc volunt esse Mercurium, ideo quia nihil est cane sagacius.*

Ut adeas, tantum dabis.] Cicero de supplicijs, *Aderat ianitor carceris carnisfex prætoris, mors, terrôrque socio.*

*rum & ciuium liētor Sestius : cui ex omni gemitu dolo-
réque certa merces comparabitur, vt adeas, tantum da-
bis, vt cibum vestitūque tibi introferre liceat, tantum.*

Si paruo nequeas, at quanti queas.] μῦθος Teren-
tiana in Eunuchō,

Quid agas? nisi vt te redimas captum quā quam queas

At inimō, si nequeas paululō, at quanti queas.

Cognitur.] Fortè cognoscitur.

36. *Quas sannas, quos corymbos.*] Quid istud corym-
bos? quod mēdosū esse crediderim, nisi sit ad eos
allusio qui in sacris Orgijs hederas & thyrsos ge-
stabāt, vt bacchationes significet, rē ipsam per in-
strumentum: sunt enim corymbi racemi hedera-
rum. sed Adr. Turnebus vnus omniū doctissimus
& humanis. corruptum locum esse putat, & le-
gendum *ronchos*, cui omnino assentior: appositè
enim hæc duo verba simul iunguntur *sanna &
ronchus*. Est autem ronchus sonus quem naso ster-
tentes edunt, eumque quia ridendo derisores imi-
tātur, pro derisoribus seu derisionibus accipitur.

Arpyias quæ semper rapiunt & volant.] Arpyias Vir-
gil. lib. 3. *Æneid.* verè expressit. Eam verò mole-
stiam quæ hīc recensetur, Phineo vati exhibuerūt,
vt est apud Ouid. lib. v. *Metamorphos.* & Am-
mian. lib. xx i i. *in qua volitantes*, inquit, *minaciter
Arpyias Phineus vates horrebat,*

Iuxta terras peruolant.] Sic Virgil. in arpyiarum de-
scriptione,

Turba sonans prædam pedibus circumuolat vncis.

Quem locum Seruius ita explicat, aut circū præ-
dam volat vncis pedibus, aut intra volam ample-
ctitur prædam. vnde & inuolare dicimus intra vo-
lam tenere: ita hīc peruolare, est per volam arri-

G.ij.

pere: & paulò pòst, *mensis aduolare*, propriè exponetur, ad volam tenere, vel corripere vola quod est supra mensas. Arpyiè enim Phineia quoq; guttura mensis defraudarunt, easque defœdarunt. *Curuis timendos vnguibus.*] Sic Iuuenal. lib. 3. Sat. 2,

- curuis

Vnguibus ire parat nummos raptura Celano,
Et eleganter festiuèque Rutilius in Itinerario.

Arpyias quarum decerpitur vnguibus orbis,
Quæ pede glutineo quod tetigere trahunt:
Quæ luscum faciunt Argum, quæ Lyncea cæcum,
Inter custodes publica furtiva volant.

Virgilius pro curuis vnguibus vncas manus dixit, unde & Seruius γὰρ τὸν ὄνυχας rectè interpretatur. *Quod contingūt auferunt, quod relinquūt polluūt.*] Virg.

Diripiuntque dapes, contactūque omnia fœdant
Immundo. &

Polluit ore dapes. & paulò pòst,
-vestigia fœda relinquunt. &

-fœdissima ventris

Prolunies, vncasq; manus, & pallida semper
Ora fame.

Istac prodigia.] Virgil. de arpyis,

-dictūque nefas arpyia Celano

Prodigium canit, & tristes denuntiat iras,
Obscœnam famem.

37. Aliqui.] Sic in v. cod. pro aliquis.

Genij decreta fatorum regunt.] At contra Ammian. Marcell. lib. x x i. de genijs loquens, *Ferunt, inquit, Theologi, in lucem editis hominibus cunctis, salua firmitate fatali, huiusmodi quadam velut actus rectorum numina sociari, admodum tamen paucissimis visa quos multiplices auxere virtutes.*

Contra regium nomen.] Alludit ad nomen Sardana-
palli Afsyriorum vltimi Regis.

38. *Nihil sefellit.*] In v. exemplari ante hæc verba
facile apparet Queroli nomen deletum, quod si-
ne dubio reponendum est.

De clepsydra.] Id est, indice clepsydra. Hîc Astrolo-
gi vtuntur clepsydra. Sudas κλεψύδρα ὄργανον ἀεγο-
λογικὸν ἐν ᾧ αἱ ὥραι μετροῦνται. Quæ sit autem clepsy-
dræ fabrica & inuentio optimè describit Galenus
περὶ διαγνώσεως καὶ θεραπείας τῶν ἐν ἐκάστῃ ψυχῇ ἀμαρτυ-
μάτων.

Mars trigonus.] Mandrogerontis verba esse puto,
& notas indices illius nominis à librario præter-
missas. Habentur autem eodem prorsus ordine a-
pud Luitprandum Ticinensem lib. i. cap. 3. De
reb. per Europ. gest. sic enim carceris custos Leo-
nem Imperatorem alloquitur, *Quoniam, inquit, tete-
tu neglexisti, pro te ego despiciam matthesin. Mars trigo-
nus, Saturnus Venerem respicit, Iuppiter quadratus,
Mercurius tibi iratus, Sol rotundus, Luna in saltu: ma-
la fortuna te premit. Quæ potiùs Luitprandum hinc
mutuatum esse existimo.*

39. *Zeta.*] Fortè Geta. & infra pag. 50. & 53. nam
& nomen est serui apud Terentium.

Vbi.] leg. Tibi.

Illi.] Sic in v. cod. Sed legendum illic.

Religio.] Sic infra pag. sequenti. *Religio per extra-
neos celebranda est. & paulò post, amici officium nunc
& religionem impendite. & pag. 46, satisfactum est re-
ligioni. & 50, religionis causa ab importunis cautio est.
& 67, hæc vestra est religio.*

40. *Fatum ac decretum momentis regi.*] In v. cod. le-
gitur factum, pro quo fatum benè, vt opinor, re-
G. iij.

positum est : Fatum autem momentis regi, principium est artis magicæ. Gregor. homil. x. de diuers. lectionib. Euangel. *sed ad hoc respondere solent Mathematici, quia virtus constellationis in ictu puncti est. Quibus è diuerso nos dicimus quia magna est mora natiuitatis. Si igitur in ictu puncti cōstellatio permutatur, ne cesse iā erit, vt tot dicāt fata, quorū sunt mēbra nascentiū. vel factum ac decretum .i. negotium & res decreta.*

Lustrum.] Id est, malum omen quod lustrandum & expiandum est. sic infra pag. 47. *Iam istinc ergo ministri nunc mei lustrum istud in fluuios dabunt.*

4^o. *Ergo.*] Fortè, Ego.

Destrui.] In vet. cod. legitur *destui*, sed mendum est euident.

Temetum.] In v. cod. legitur *metum*, pro quo etiam remetum reposueram : tamen non esse reijciendum postea animaduerti.

42. *Iunctura.*] Iuncturæ propter iugum equis curribus necessaria: Capitolin. in *Ælio Vero*, *Data & vehicula cum mulabus ac mulionibus, cū iuncturis argenteis.* & apud Paulum lib. 3. Sentent. Tit. De Legat. *Carruca cum iunctura.*

Mouere carpentum.] Pro vti carpento, vt mouere equos, & mouere arma dicimus.

43. *Calidam fumosam.*] Id est aquam calidam fumum exhalantem : fieri enim haud potest vt aqua calida fumum non exhalet: calidam autem & frigidam dum dicimus. aquam intelligimus, quod antiquitus potio calida & frigida propinaretur. Iuuenal. lib. 1. sat. vltima, *-calida gelidaq; minister.*

Calices vnouentatos.] Id est sordidos, & manibus vnctis tractatos vt Horat. appellat.

Vrceolū infractū.] Id est valde fractū, atque (in) hīc au

& tione significat, sicut in libro x i i. Æneid. Virgil.

Turnus ut infractos aduerso Marte Latinos.

& ita Seruius exponit,

O Enophorum exauriculatum.] Id est inauritum, ut Gellij verbo utar. Iuuenal. lib. i. Sat. 3. vas cur-
tum dicit, cui desint & effractæ sint auriculæ, quas
vulgò anfas nominamus. Est autem sumptum à
Græcis qui ὠτα dicunt: unde apud Horatium dio-
ta, & apud Theocritum ἀμφώτες, vas utrinque an-
satum, quod hinc & inde leuatur: sic enim ansæ
geminatæ videntur aureis imitari.

Ampullam truncam limosamque.] Pro trunco rimo-
sum dixit Iuuenal. limosam autem ampullam vo-
cat limo obsitam & obductam, id est, cui limus ad-
heserit, sic enim loquitur Horat. lib. 2. Sermo.
Ecloga 2,

Sive grauis veteri cratera limus adbesit.

Lagæna vetere castrata suco.] Ita planè est in arche-
typo, ut hoc quoque nonnihil eorum opinionem
adiuuat, qui apud Plin. lib. nat. hist. x x v i i i. cap.
i i i i. inueterari yina, sucisque castrari legendum pu-
tant, non faccis: quod etiam si non improbo, illud
tamè malo, nam & tractum est à Græco σακκίζειν
vel σακκερίζειν, quod & ἐξυρρίζειν dicunt, idque
Latina lingua sequitur castrare, pro colare & sac-
co frangere vinum.

Mille.] In v. cod. legitur nullæ.

44. *Scriptulos.*] Scriptulus est vicésima & quarta
pars vnciæ (tot enim sunt in vna vncia scriptuli)
& dictus à scripto lapillo breuissimo. unde Fl. Ca-
per antiquissimus Grammaticus in libello de or-
thographia rectè ait, *Scriptula, non scripula dicendum.*
sic vet. scripti cod. impressi vulgò malè, *scripula* &

G. iij.

*scribula: cui succinit Charisius lib. i. Instit. Gramma-
 tica. Scriptulum, inquit, quod nunc vulgus sine i dicit,
 Varro in Plautorino dixit. Item in Annali numum argen-
 teum conflatum primò à Servio Tullio dicunt, is quatuor
 scriptalis maior fuit quàm numi: Græci appellant
 γράμμα, quòd vncia in tot scripulos diuiditur, quot
 sunt literæ apud Græcos quæ γράμματα dicuntur:
 ita enim Remus Fauinus, siue quis alius, in carmi-
 ne de ponderib. & mensuris,*

*Vncia sit drachmis bis quatuor: ynde putandum
 Γράμματα dicta, quòd hæc viginti quatuor in se
 Vncia habet, tot enim formis vox nostra notatur,
 Horis quot mundus peragit noctemque diemque.*

Obseruaui quoque in antiquis cod. manuscriptis
 γραμμασθιδὼν & ὄβολον à Græcis appellari: atque vt
 vnicuique ponderi suū apud veteres signum fuit,
 notatum à Latinis sic fuisse Ϝ. Porro genere neu-
 tro scriptulum à bonis auctoribus vsurpatum est,

Turpe eliceret.] In v. cod. legitur turp' eliceret.

45. *Plendoris.] Pro splendoris. quod autem omni-
 no erat in vetusto cod. sequuti sumus. cod. S. V. ha-
 bet splendoris.*

Illud.] Cod. S. V. id.

*Quod publicet.] In archetypo publicet legebatur,
 pro quo publicet emendauimus: desunt autem
 hæc in cod. S. V.*

Ego latera lustro.] Cod. S. V. ego lustro.

*Capillorum volumina.] Sic dicuntur, quia mulieres
 capillos colligantes in orbem voluebant. Iuuenal.
 lib. 2. Sar. vnica,*

*-crinemque rotant vlulante Priapo
 Manades. & paulò pòst,*

-altera leuum

Extendit pectusque comas, & voluit in orbem.
Totum hoc mutuum est.] Id est, quod accepimus reddimus, nec proprium facimus: sed ius alienum semper remanet. vt apud Plautum in Curculione,

P H. *Ego autem cum illa facere nolo mutuum.*

P A. *Quid ita?* P H. *Quia proprium facio.*

Rectè igitur Varro de lingua Lat. *Si datur quod reddatur mutuum, quod Siculi μῶτον: ita scribit Sophron, μῶτον ἀνατίθμινον*: non hoc secundum Iurisconsultos, ex *mutuum*.

Abstuleris.] Deest in cod. S. V. quod paulò post pro *abscideris* positum est.

Nunquam tibi Querole.] Corruptus est hic locus, & sic emendari poterit, *Nunquam tibi Querole opus est tecum ista omnia nos exercere; tu ad tributum cogites.*

Clamauit.] Fortè clamabit.

Fas erat.] *δυσάτορ* vel *δῆ* utroque sensu apud Horat. *Accipienda & musitanda iniuria est.]* Terentianum est ex Adelph.

Accipiunda & musitanda iniuria adolescentium est.
46. *Ex officii principe.]* Id est, destitutus & priuatus ea dignitate quam habet officij princeps. Habetur autem officij princeps in L. 1. De offic. rector. prouinc. lib. 1. Cod. Theodos. & apud Lamprid. in Heliogabalo, Zoticus sub eo tantum valuit, vt ab omnibus officiorum principibus sic haberetur quasi domini maritus esset. & in Alexandro, iniuriam nulli vnquam amicorum commisit: nec magistris quidè aut principibus officiorum. Symmach. lib. 1. Epistolar. cum ad eius ades semel atque iterum princeps officii comesset. & hoc vbi princeps officii comperit, paucis excurret. & princeps officii mei sub conspectu Romanæ plebis audiuit. & à principibus officii vtriusque perducitur.

Estque officij princeps primus officialium, quos ministros & apparitores appellamus: atque in omnibus quidem potestatum & dignitatum officijs, qui primus est, princeps dicitur, ut patet ex Mariani notitia. sic scriniorum principes à Lampridio appellantur, qui alias primis scrinij, vel primicerij scriniorum dicuntur: sic & principes agentium in rebus. i. primi. Nomen ordinis & promotionis in militia est, ut nunc dicitur, Accensus, vel Commetariensis, aut Cornicularius: hæc enim nomina de legionaria militia sumpta sunt auctore Asconio.

Salutes fastidientes.] Ita emendauimus, cum esset in v. cod. *salutat fastidiantes*, atque ut emendauimus est in cod. S. V.

47. *Purificatum.*] Purificare aliquando nitefacere. unde Horat. *Pario marmore purius*. Aliquando vacuefacere, ut hic, & supra pag. 2, *Parasitus magus domum purificat & puram facit* (postrema verba glossam puto) sic καθαρῶς utrunque significat.

Sensibus imis cape.] Sensibus imis reponas dixit Virgil. in Eclogis.

Vna sit illi istac & perpetua via.] Cicer. in Pison. *An quod tibi proficiscenti euenit ut omnes exsecrarentur, male precarentur, vnam tibi illam viam perpetuam esse velent.* Turpilius quoque Comicus Thrasyll. cuius testimonium Nonius adducit hunc sermonem usurpat, *Age, age, egredere, atque vincta istuc perpetuum iter sit tibi.* Exsecrandi formula adhuc durat: nam cum alicui maledicimus abigentes eum à nobis, vulgò loquimur, vota quoque facimus, ut tam longè abeat, ne vnquam redire possit. Eruditè & eleganter explicat hunc deuouendi modum P. Victorius lib. 2. var. lect. cap. 1.

Hoc triduo.] Veteres post lustrationes seu expiationes triduum religiose obseruabant, vt etiam apud Euripidem in Alcestide memini legere.

Dum tantummodo inter me ac fortunam meam solū paries interfit.] Cicero iisdem verbis ferè Catilinam alloquitur, *dummodo inter me atque te murus interfit.*

48. *Fecero.*] Profeci vt apud Plautum in Sticho,
D I N. tu hoc conuerre. G E. fecero.

Frequentur.] Verbum est antiquum frequēo, à quo frequens & frequenter, fortè legendū *frequentatur.* Celeri] Vt ἡραροι, vel pro celeriter positum est.

49. SOLIPSE NON SEMPER NITET] Hor.
Non vno luna rubens nitet vultu. Hesiod. ἐν ἡμέρᾳ.

Ἄλλοτε μὲν γὰρ πέλει ἡμέρη, ἄλλοτε μήτηρ.

Soles nitent dixit idem Hor. vnde & sol nitidus.

Vobis absentibus praesentibusque.] Hoc dicit Pantomalus seruus, ne videatur seruorū more facere, qui de dominis ea saepè loquuntur, quibus coram dominis loqui non licet, vt ait Seneca.

50. Sed quis VOBIS NATVRALE EST ODISSE DOMINOS.] Theophilus Antecessor, οὕτως ὁ δῦλος τῷ δεσπότῃ πολέμιος. Simplicius ad Epictetum de seruis, ἐχθροὶ πάντως εἰσὶν οἱ πλείστοι τῶν δεσποτῶν, καὶ πολέμιοι. Festus, Quot serui, tot hostes, in prouerbio est.

Intus ibant.] Abutitur hoc verbo, vt & infra pag. 57, *abi celeriter intus Pantomale*, cū intrò dicendū sit. intrò imus vel inrumpimus, intus sumus: intus enī in loco dicimus, intrò est in locū, vt apud Græcos εἶσω, εἴσω, καὶ ἐνδον. Hæc Fl. Caper & Charisius.

51 *Dammum verè plangitur.*] Cod. S. V. verò.

Aliorū fortunā exposui, fatū ignoravi miū.] Rectè Enn. de hariolis ipudentibus, & superstitionis vatibus,

Qui sibi semitam non sapiunt, alteri monstrant viam.
Quoniam.] In v.cod. legitur quoniam.

52. *Ranciscere.*] Pro rancisci.

Gracula.] Sic in v.cod. fortè legendum graculo.

Curri canis.] Id est, abscisis auribus vel cauda. Est autem hîc canis auspicium, vt apud Terentium in Phormione,

Post illa monstra euenerunt mihi:

Introijt in ades ater alienus canis.

53. *Qui agelasto illi & perfido.*] Nos ita hunc locum emendauimus, cùm antea in v.cod. malè haberetur, *qui agelastus est sineius minimo stans, agelasto illi & perfido*, quod omnino manifestè absurdum erat & *δυσωρα κακολόγητον*: & qui glossam esse non dixisset, mihi videretur prorsus carere iudicio. Est autem interpretatio verbi agelastus, quæ etiam mendo contaminata est, nam pro *sineius*, certissimè reponendum est, *sine risu*: atque hoc mendum in altero explorando sanè non parum exhibuit negotij. Improbū verò agelastum appellat, vt tristis apud Italos improbus & sceleratus dicitur.

54. *Ha! quid.*] Fortè quicquid.

55. *Vita erat.*] Vitam vocat aurum, quo amisso rerum funus duci ait. Sic ille,

Τ' ἀργύριον ὄψιν αἶμα καὶ ψυχὴ βροτοῖς. & Hesiod. ἐν ἔργ.
Χρέματα γὰρ ψυχὴ πῖλεται δειλοῖσι βροτοῖσι.

OMNES ITA QVE HOMINES.] Huic similis est Euripidis elegās & planè diuina sc̄rētia in Ione,

Οὐκ ὄψι λαβεῖν, ὅτι μὴ χρεῖζον Θείος ἐκκλέπει.

VBIQVE. Cod. S.V. vbi.

TOTVM ILLE QVI POTEST.] παντοκράτωρ καὶ παντοδύναμος.

56. *Fleri.*] v.cod. fieri.

Diuinitatis.] Id est Dei.

Ibi.] Leg.vbi.

57. Aut.] Leg.Ar.

Hominem.] In v. cod. legitur homine, sed vitiose, vt apparet.

Illi.] Vet.ille,quod vitium librarij esse puto.

Exibet.] Extrita est aspiratio veteri scribendi ratione, quamuis paulò pòst cum aspiratione scriptum est.

58. Retineam.] Sic in v. cod. pro retineamus: atque ita persæpe veteres scribebant, vltimæ literæ adiiicientes punctum.

Sequuntur.] Fortè sequantur.

59. Opera.] Pro opera.testor autem hanc esse archetypi scripturam, ne quis typographos erroris insimulet.

Nobis commissa istæc.] In v.cod.malè legebatur,nobiscum missa.

Aliquod thesaurum.] Sibi ipsi valde contrarius est hic auctor in articulo verbi thesaurus: nam cùm hic neutrum faciat, pluribus tamé locis huius fabulæ masculino genere semper vsurpat. Fortè igitur legendum fuerit, aliquando thesaurum.

60. Diuisio celebretur, quoniam præsto est arbiter.] Al- ludit ad arbitros qui diuidendis bonis inter cohe- redes dabantur, qui aliàs arbitri familiæ erciscun- dæ, aliàs arbitri diuidendæ hereditatis, aliàs arbitri diuidendis bonis, aliàs arbitri diuisionis à Iuriscøn- sultis appellantur, vt latissimè adnotauit doctissi- mus Brissonius lib.I. de verb. ad ius pertinent. si- gnificatione. ●

61. Heia, inquit.] Vel legendum inquam, vel certè hæc verba sunt etiam Mandrogerontis: atque ita

personæ ipsius notæ indices ante hæc verba sunt interponendæ.

Percriptionem.] Lego præscriptionem, id est, exceptionem seu παραγραφὴν: Charis. lib. 2. Instit. Grammaticar. *Præscribo παραγράφωμαι* significat, *quales sunt præscriptiones apud Iurisconsultos*: sic enim legendum, non subscriptiones.

63. *Nunquam te celeriter.*] Fortè *celeriter*, ut sit frequentativum *celerito*, à verbo *celero*. Cod. tamen S. V. habet, *nunquam tu celeriter*.

AURIUS LVPVM TENE O.] Ex Terentij Phormione.

64. *Ita sese res habet.*] In v. cod. malè legitur, *ita sic se res habet*.

Hac non processit, alia tentandum.] Sic ferè Terent. in Andr.

Hac non successit, alia aggrediemur via.

Geris?] Leg. *quæris?*

65. *Nam istoc ego tempore pœnam malo quàm pecuniam debere.*] Hic pœna sacrilegij levis.

67. *Furiam, Fufiam.*] Cicero de præt. vrb. *Cedo mihi leges Atinias, Furias, Fufias*. Sic enim legendū, quamvis *Fufias* reponendum putauerit doctissimus interpres: quod ita esse in v. libro Asconij affirmat: sed & in eo sæpissime fefellerunt librarii, & eos secuti sunt plerique viri docti, qui pro *Fusio Fufium*, atque adeo pro *Fusia Fufiam* legem scripsere. tulit enim Q. Fufius Calenus non *Fufius*, ut rectè est apud Dionem lib. xx xv i i i. Κύριος Φύριος Καλῆνος ἐγραψάν.

Paruum est.] In v. cod. antea legebatur, *parum*, quod rectius est, & malè additum est alterum v.

Hæc quæ sequuntur, tota sunt de æstimatione litis iniuriarum.

TRIS EDACES DOMVS VNA NON CAPIT.] Similia sūt ferè hæc vulgaria & omnib' nota

Μία λόχμην ἔτρεφει δύο ἱεῖθακέρ.

Εἰς οἶκος ἔδύναται τρέφειν τὴς δύο κύνας.

Non capit vna duos culina ganeones.

Solidi illius.] Quid si legas, solidi vnius.

Apozix, hoc est excoctionis.] Apozix scribendū est per z, hoc est, ἀποζίματος. Verba autem, *hoc est excoctionis*, ex glossa in contextū inducta esse vidētur.

Contemplationis concedimus.] Puto legēdum *contemplatione*, vt referatur ad verbū apozix, id est, propter apoziam: qui modus loquendi non semel est in Impp. constitutionibus.

Placuit.] Iudicia hīc criminalia, non vt suprā capitalia, sed iam pecuniaria finguntur: aliud enim est lædere, aliud occidere.

Sūmo strepitu criminali.] Antea legebatur *criminari*, nos verò ita emendauimus, ex L. 2. ad Legem Cornel. de fals. lib. ix. Cod. Theodof. *Vltimum*, inquit, *finem strepitus criminalis quem litigantem discipulantēque fas non sit excedere, anni spatium limitamus.*

Cum strepitu apud Iurisconsultos, id est, cū forma & figura iudicij, vt vulgò loquuntur, non simpliciter, neque de plano. Grego. lib. ix. Epi st. vii. *ne si negligendum putauerit, cum strepitu & dispendio postea cogatur efficere.* Et sine strepitu in c. Sæpè contingit. De verb. significatio. c. Dispendiosa De Iudicijs in Clementin.

In loxu & ossibus loco motis.] Loxu pro luxu, vnde etiam luxatus dicitur. Luxa autē definiunt Festus, Nonius, & Isidorus, membra è suis locis vulsa &

mota, quod nunc luxari ignari Latine dicimus: à quo & luxuriosus in re familiari solutus, & luxuria, quia à recta viuendi via sit exclusa. Ceterum in legibus Langobard. & alijs similibus ita semper pecuniaria pœna ut hîc, pro quouis vulnere infertur

Commodum.] Commodum vocat iniuriarum præmiu, ut quod quis more illiberali pro vulnere adsequitur, quale aliquid fortè taxatur in Edicto Ædilitio, & De ijs qui deiecer.

Plus petiti periculo.] Alludit ad vulgarem formulam. *Qui plus petit, causa cadit.* hîc verò ea pœna ad mortem extenditur.

Rex conuiuij.] Thaliarchus seu symposiarchus æstimator iniuriarum & disceptator hîc est.

Contestata lite defecerit.] Actio iniuriarum non tranfit ad heredem nisi post litem contestatam.

69. *Qui causas mortis nō reddiderit, insepultus abhincitur.*] Qui cædis cuius auctor est, crimē nō purgarit aliqua ratione, ἀθάπτος ἀποβαλλέσθω: quæ est summa pœna apud Horatiū: Sumptum est autē ex Quintiliani Declamatio. 3, & c c c x x v i i.

Inter hominum liberorum.] Mēdosus est hic locus. forte inter se, vel interim, vel interea, vel interdum.

Nam si à patrono vel seruo patroni, &c.] Libertus non potest agere in patronum actione iniuriarum, sed tantum libera est illi fugiendi facultas.

EXCVDEBAT ROB. STEPHANVS
TYPOGRAPHVS REGIVS,
PARISIIS, AN.
M. D. LXIII. NON.
OCTOB.

Endosa quædam fuerunt, &
M perperam distincta in arche-
typo, vt sunt plerunque, quæ-
dam etiam ex ipso male expressa: ne-
que satis diligenter inspecta, de quo-
rum emendatione post hanc editionē
admonitus à P. Pitheo viro eruditissi-
mo, & in scrutanda veterum librorum
scriptura sagacissimo, indicare neces-
se habeo: tum vt emendationum au-
ctorem merita sua laude non fraudē,
cui hoc ferè totum acceptum fero, tū
vt omni incuriæ suspicione typogra-
phos liberem. Hoc etiam volui, tibi
tantum beneficium nō inuidere, quo
te summè affectum & leuatum esse
senties.

H.j.

pag. 6. lin. 21. <i>armigerum. lege, amigerum.</i>		
8	20	<i>uero similem esse. uerosimil' est esse.</i>
11	22	<i>urbanè igitur peierasti. urbané. igitur pe-</i> <i>ierasti.</i>
16	10	<i>Nonne certè. Nonne? certé.</i>
19	1	<i>tubulis. Age. tubulis age:</i>
27	23	<i>quid ipsius. quid? ipsius.</i>
30	3	<i>habeat nos. abeat, nos.</i>
ibid.	4	<i>Atque. Atqui.</i>
40	20	<i>monentis rei. momentis regi.</i>
ibid.	21	<i>Hora est synastria. Hora est, synastria.</i>
47	12	<i>non ita. monita.</i>
53	10	<i>ulciscamur? probé. ulciscamur probé.</i>
ibid.	11	<i>laudemus. ludamus.</i>
62	11	<i>hinc. huic.</i>
63	24	<i>QVER. MAND.</i>
68	6	<i>liuor solidi unius, bissem. liuor, solidi unius</i> <i>bissem.</i>

In notis.

pag. 1. lin. 15. uel parodiam. lege, uel per parodiam.

